

類

證

治

裁

類證治裁卷之四

丹陽林珮琴義桐勛著

男 蔣本校

癲狂論治

癲狂。心脾肝胃病也。經曰。重陰者癲。重陽者狂。陽併於陰則癲。陰併於陽則狂。癲多喜笑。症屬心脾不足。狂多忿怒。症屬肝胃有餘。癲則或笑或歌。或悲或泣。如醉如癡。語言顛倒。穢潔不知。經年不愈。多由心脾鬱結。志願不遂。更或因驚恐致神不守舍者。有之。狂則自悲喜忘。善怒善恐。少臥不飢。自賢自貴。此為心疾。或邪併陽明。發狂罵詈。不避親疏。登高而歌。棄衣而走。不食數日。踰垣上屋。此為胃火。

或陽氣暴折而難決為怒狂。此名陽厥。多由肝膽謀慮不決。屈無所伸。

怒無所洩。木火合耶。乘心則神魂失守。乘胃則暴橫莫制。總之癲

狂皆心火自焚。痰迷竅絡。故癲始發。其情志失常。狀亦如狂。狂經

久。其神魂迷替。狀乃類癲。治癲先逐其痰。控涎丹。次復其神。琥珀散。養

其陰。滋陰安神湯。治狂先奪其食。食入於陰。長氣於陽。次下其痰。安神滾痰丸。降其火。

生鐵落飲。用生鐵落者。二症如因怒動肝火。風痰上湧而發。導

金以制木。木平則火降也。湯。加茶連。葛。遠。煎。成。入辰砂。沈香。此如痰火久鬱。神志恍惚。牛黃清心丸。驚憂氣結痰血。

壅蔽。九白金。心虛悸動。寤不穩寐。補心丹。心氣不足。神不守舍。歸神丹。大劑獨

參。癲久不愈。必養神通志。歸脾湯。枕中丹。狂久不愈。必壯水制火。二陰煎。生熟養

湯。此治之大要在參求脈症之虛實而分治之。

症類
因驚憂而致。抱膽丸。因鬱怒而致。安神導痰湯。痰火俱盛。甘遂散。痰火

驟壅發為怪狀。清心滾痰丸。氣結為痰閉其神識。四七湯。心熱煩躁。連

清心丸。陰虧暈仆。滋陰安神湯。痰迷心竅。金箔鎮心丸。思慮鬱結。歸脾湯。心

虛疑畏。定志心膽氣血不足。清心溫膽湯。病後神虛氣怯。歸神久癲

神魂不定。靈苑癲已愈復發。斷癇丹。婦人患癲由血不調。加味逍

別有悲哭呻吟為邪所憑非狂也。一味蠶退紙燒灰。

症狂
上焦實者從高抑之。生鐵陽明實者脉伏。大承氣湯。痰火在上。因

而越之。來蘇膏。三聖散後用。洗心散。京形症脉氣俱實當涌吐

兼利之。勝金丹。肝膽火旺木來乘心。降龍丹。心火狂亂。黃連瀉

擾心胞。鬱金風涎暴仆。通泄散。失魄若神靈所憑。鎮心因勞神致

傷心血。驚悸不安。

辰砂安志丸

悲哀動中則傷魂。魂傷則狂妄不精。

當以喜勝之。以溫藥補魂之陽。

龍齒清魂散

因喜樂無極則傷魄。魄

傷則狂。當以恐勝之。以涼藥補魄之陰。

清神湯。肺虛喘乏加沙參。胃虛食少加人參。膽

虛驚恐加羚羊角。

熱入血室發狂。

小柴胡湯加犀角。生地黃。

猝發狂言。

鉞手大指甲角一韭葉許

少商穴。

肝盛怒狂。

鉞足大指甲角一韭葉許大敦穴。

癲狂脉候

凡脉急甚。皆癲狂厥疾。癲脉搏大滑久。自已。脉小堅急。死不治。癲脉虛則可治。實則死。狂脉實大者生。沈小者死。恍惚癲狂。實大為順。沈細為逆。

附方

逐痰 控涎丹 見二卷痰飲

琥珀散 琥珀 硃砂 人參 茯神 遠志 菖蒲 乳香 棗仁

滋陰安神湯 地 芍 歸 芎 參 朮 茯神 遠志

安神滾痰丸 煨礞石 風化硝 硃砂 甘草 各五分 黃連 四分 珍珠 各五錢 為細末 用天麻煎成膏 杵丸 芡實

大每服 三十九

生鐵落飲 生鐵落 八兩 石膏 三兩 龍齒 茯神 防風 各兩半 元參 秦艽 各一兩 煎 減入竹瀝一

服 杯

導痰湯 見一卷中風

牛黃清心丸 見二卷溫

白金丸 見二卷痰飲

痰 壅 清 心 痰 血

平 肝

痰 降 陰 養 神 安 痰 逐

心虛神虛

天王補心丹 見一卷火

歸神丹 硃砂二兩入猪心血酒蒸研 人參 棗仁 茯神 當歸各二兩 西琥珀 薑炒遠志 龍齒各一兩

金箔 銀箔各二十片為衣

酒糊丸 麥冬湯下九丸

歸脾湯 見二卷勞瘵

枕中丹 龜甲 龍骨 遠志 石菖蒲 為末酒調一錢日

養神通竅壯水

二陰煎 生地三錢 麥冬 棗仁各二錢 元參 茯苓 木通各錢半 黃連一錢 生甘草五分 燈心

竹葉各十四片 水煎服

滋陰

生熟養心湯 生地 熟地 當歸 茯神各二錢 人參 麥冬各一錢半 五味十五粒 棗仁 柏子

仁各八分 炙草五分

因驚

抱脂丸 水銀二兩 黑鉛一兩半 硃砂 乳香各一兩 將鉛入鉢內鎔化下水銀結成砂子次下硃砂乳香

因怒痰壅

痰結

氣結心火痰迷

木槌
柞丸

安神導痰湯

陳夏 芩星 枳草 芩連 遺志
菖蒲 硃砂

清心滾痰丸

酒炒大黃 黃芩各四兩 礞石同煨稍煅
犀角 皂角 硃砂各五錢 沈香二錢 麝

香五分
水丸

甘遂散

甘遂一兩研末猪心血和勻將猪心切開入甘遂末
於內紮緊煨熟取藥末 入辰砂末一錢和勻分作

四九每
服一丸

四七湯

一名七氣湯見二卷欬嗽

芩連清心湯

黃芩 黃連 麥冬 花粉 茯神 丹參
牛黃 菖蒲 遠志

金箔鎮心丸

膽星一兩 天竺黃 琥珀 硃砂各五錢
牛黃 雄黃 珍珠各二錢 麝香五分 蜜

丸 金箔
為衣

心虛氣血

定志丸

人參 茯苓 各三兩

石砂 一兩半

為衣 蜜丸

葛蒲 薑炒 遠志 各

清心溫膽湯

二陳湯加 竹茹 枳實 名溫膽湯

此加白 香附 當歸 白芍 黃連 麥

冬生薑 人參 遠志

補攝

靈苑丹

硃砂 一兩 棗仁 乳香 各五錢

共研細酒調勻 作一服 服後安臥 勿喚醒 則神魂自定 若喚醒 驚寤

則不可治

復發

斷癰丹

黃耆 鉤藤 細辛 甘草 各五錢

蛇蛻 一條

牛黃 二厘 棗肉 為丸 桐子大 每服二

湯下 十九人參

加味逍遙散

見一卷火

大承氣湯

見一卷溫

婦人瀉火通痰

來蘇膏

皂角 二兩 酸漿水 浸透 研汁 砂鍋內 熬用 槐柳枝 攪 熬成膏 攤紙上 陰乾 用溫水 化入 左右鼻孔 取涎

瀉火吐下

三聖散 見一卷中風

洗心散 當歸二兩 麻黃 大黃 生朮 白芍 荊芥 炙草各一兩 每服三四錢 薑五片 薄荷七葉

煎水

涼膈散 見一卷中風

瀉火吐下

勝金丹 白砒一錢 菴豆三百六十粒浸去壳同白砒研泥 陰乾 山梔十四枚 雄黃 雌黃各一錢 急性

子二錢 為末入牛黃 冰片和糕餅食

降火

降龍丹 黑鉛 水銀各一兩 先將鉛入銚鎔化 次入水 銀炒成粉 入金銀箔各五百章 辰砂 蛇含石

各五錢 蜜丸 芡實大 扶神湯下三丸

狂亂

黃連瀉心湯 黃連 生地 知母各一兩 黃芩二兩 甘 草五錢 每服五錢

包心

鬱金丸 鬱金 硃砂 白礬

補血室

補魂

驚悸 神涎 風

通泄散

瓜蒂末三錢 加輕粉一字 水調勻灌之涎自出
如未出含沙糖一塊下咽涎即出

鎮心丹

硃砂 枯礬 水丸芡實大 參湯下一丸

辰砂安志丸

辰砂二兩 薑炒遠志 菖蒲 棗仁 乳香
歸身 茯苓 茯神各七錢 人參五錢 猪

心一个

研如泥酒丸

東湯下

龍齒清魂散

龍齒 遠志 人參 歸身各兩半 茯苓
麥冬 桂心 甘草各三錢 延胡一兩 細

辛錢半 每

服四錢

清神湯

黃連 茯苓 柏子仁 遠志 菖蒲 棗仁各錢
半 甘草五分 薑汁 竹瀝各乙匙 水煎

小柴胡湯

見一卷溫

癲狂

某氏因驚致癲向暗悲泣坐臥如癡十餘年神衰肌削此失心難治痼疾非大補元氣不爲功倣安志丸人參黃精茯神當歸遠志棗仁菖蒲乳香各研極細用猪心切開入硃砂以線縛定再箬裹紮緊酒煮研爛入各藥末加煮棗肉搗丸桐子大另用硃砂爲衣每服六七十丸參湯下以無力用參而止惜夫

王 因鬱發狂笑詈善怒面赤目紅脉洪大此陽氣暴折因怒觸發木火失制熱痰上乘心包病名陽厥用生鐵落飲去芩防加山梔連翹羚羊角竹瀝石菖蒲丹皮數劑而狂定

張氏恍惚狂妄視夫若仇持械棄衣莫之敢近脉滑而弦用獨聖

散吐之去粘涎宿沫頗多搥胸言痛診脉稍平然猶獨言獨笑
知其痰沫去而心舍虛神魂未復也用栝蒌仁貝母橘紅膽星
菖蒲汁鬱金汁薑汁枳殼茯苓一劑胸痛定乃倣龍齒清魂散
用龍齒散茯神鐵粉牡蠣乳香遠志棗仁當歸二劑如常

包 因恐發狂神擾語妄脉右大左軟症由心虛受嚇驚痰亂其
神明非癰疾也癰乃一時昏仆醒即明了既用膽星川連等泄
降痰火月來神識稍清宜用白金丸六服再以清心溫膽湯安
神定志可冀向安潞參淡竹茹枳殼橘紅茯神生棗仁梔心遠
志麥冬蓮子心鮮菖蒲汁三四劑已效改湯爲丸服遂復常
王氏獨言獨笑痰多氣鬱用溫膽湯降滌擾心涎沫數服效

張

少年懷抱不遂漸次神明恍惚言語失倫面赤眼斜棄衣裂
帳曾服草藥吐瀉痰火畧定今交午火升獨言獨笑半昧半明
左脉弦長自屬肝膽火逆直犯膈中神明遂爲痰涎所蔽經謂
肝者謀慮所出膽者決斷所出凡肝膽謀慮不決屈何所伸怒
何所泄木火熾煽君主無權從此厥逆不寐重陽必狂前已服
牛黃清心丸今擬平肝膽之火滌心包之痰暫服煎劑期於清
降火逆掃蕩粘涎後服丸方緩收其效煎方龍膽草山梔鬱金磨汁
貝母連翹茯神天竺黃知母石菖蒲搗汁橘紅金器同煎五六服
狂態大斂談及前轍深知愧赧一切如常診脉左右已勻沈按
有力再疏丸方膽南星川貝

各二錢

山梔五錢

鬱金龍齒

煅各三錢

牛黃

八分鈴羊角
錢二扶神錢五生地兩一用淡竹瀝爲丸硃砂爲衣開水下

一料遂不復發

癰症論治

癰症肝膽心腎病而旁及陰陽維蹻督諸經俱動也。脉經曰前部

蹻也動則苦癰癰羊鳴從少陰斜至太陽者陽維也動苦癰癰羊

鳴從少陽斜至厥陰者陰維也動苦癰癰三部俱浮直上直下爲

督脉動則大經言二陰急爲癰厥爲二陰謂少陰氣逆於經而

上行則喉塞音瘖而癰發矣。症由心腎虛怯肝風膽火倏逆痰涎

上壅心胞經脉閉阻猝然暈仆口眼牽掣腰背反張手足抽搐。此

熱極生風喊作畜聲因其近似分馬癰。搖頭張口應心牛癰直視腹猪癰吐沫

羊癰揚目吐舌應肺雞癰折應肝以內應五臟而五癰名焉。癰症幼小爲

多大人亦有之。經久失調遂成痼疾。一觸厥氣鼓風涎沫升逆莫

遏痰在膈間則眩微不仆痰溢膈上則眩甚而倒必待其氣反吐

去驚涎宿沫而後甦。若元氣虛甚，乃屢發不止。癩與中風中寒中

同癩。仆時口中作聲，將醒吐沫。醒後又發，若中風等病。仆時無聲，

醒時無沫，後不復發。又與瘧症相似，但癩發身軟，時醒，瘧則身強。

直角弓反張，不時雖分五癩治。要在火與痰通治。或人參琥珀丸

醒瘧比癩為重。愈後必斷其根。河車。其因驚發癩者，神出舍空，驚涎乍服。溫膽湯

愈後必斷其根。其因驚發癩者，神出舍空，驚涎乍服。溫膽湯

星愈後必復其神。七福飲。其膽火生風者，熱痰阻絡，直視吐沫。用

星。愈後必復其神。七福飲。其膽火生風者，熱痰阻絡，直視吐沫。用

羊角、鉤藤、丹皮、天麻、連翹、膽星、竹瀝、橘紅、前胡、怒觸肝火者，咬牙嚙舌，叫吼遺尿。小柴胡

草加青皮甚。痰火阻竅者，神機不發，昏不知人。龍腦安神丸。或胆

則瀉肝湯。汁、薑汁、橘。因抑鬱發者，調其氣。四七湯。加

紅湯灌之。因抑鬱發者，調其氣。四七湯。加

湯加首烏、白。肝腎陽亢者，和其陰。虎潛。心氣不足者，安其神。養心

芍、棗仁、龍骨。肝腎陽亢者，和其陰。虎潛。心氣不足者，安其神。養心

思慮煩勞者，補其營。益營。胎癩得之母腹中者，鎮其怯。燒丹

思慮煩勞者，補其營。益營。胎癩得之母腹中者，鎮其怯。燒丹

又按千金方分陽癰陰癰以先體熱癰瘰癧啼而後發脉浮洪者

為陽癰病在腑易治妙香先身冷不驚掣啼叫病發脉沈微者為

陰癰病在臟難治五生丸引古方通治五癰五癰丸五色風癰

發項強直視此肝經有熱咬牙者導赤散痰火俱盛清膈飲下

痰多控涎丹痰迷心竅金箔鎮心熱痰迷清神火盛抽薪氣逆

食滯大和因驚抱膽因怒安神導心臟氣血不足滋陰安神湯

不守舍神丹癰癰屢發五癰神病久則成窠囊日久必生蟲妙功

婦人患癰由血失調加味逍肥人多痰加味毒瘦人多火清心

癰愈復發斷癰癰病晝發灸陽蹻宜補中益氣湯加益智陽

蹻下五分陷夜發炎陰蹻宜六味丸加鹿角膠陰蹻起於足

中申脉穴也少陰內蹻前大骨下陷中然谷穴也石

頑謂癰。以補腎為本。豁痰為標。其由來不外肝腎龍雷上衝所致。豈不信哉。

丹溪治癰主痰與熱。以星半芩連為主。熱多者涼膈散。加川連麥冬以泄之。痰多者戴人三聖散吐之。如驚者東垣安神丸平之。

癰症脉候

脉浮滑洪數為風癰。細弦微緩為虛癰。浮為陽癰。沈為陰癰。虛弦為驚。沈數為實。熱沈實弦急及虛散者皆不治。細緩者雖久刺可治。又目瞪如果者不治。

附方

通治

定癰丸

天麻 丹參

川貝 菖蒲

膽星 麥冬

半夏 遠志

陳皮 全蠍

茯苓 殭蠶

琥珀 茯神

鎮補補元因驚復神安神肝火肝火透竅

辰砂 竹瀝

薑汁糊丸

琥珀丸 見本卷癲狂

河車丸 紫河車 人參 茯苓 遠志 丹參 煉

溫膽湯 見一卷溫

七福飲 見三卷鬱

遠志丸 遠志 菖蒲 茯苓 茯神 人參 龍齒 蜜丸

小柴胡湯 見一卷溫

瀉肝湯 見三卷諸氣

龍腦安神丸 冰片 麝香 牛黃 犀角 人參 茯神

金箔 甘草

蜜丸

調氣培源補陰補心補營胎癰瀉火吐痰除痰陽癰

四七湯 見二卷欬嗽

六味丸 見一卷中風

虎潛丸 見一卷中風

養心湯 見二卷勞瘵

益營煎 參 耆 歸 芍 草 茯神 棗仁 遠志 紫
石 英 木 香 柏 子 仁

燒丹丸 元精石 輕粉 各一錢 粉霜 礪砂 各五分 研
細入寒食麪一錢 水丸 再用麪裏煨黃研丸

涼膈散 見一卷中風

三聖散 見一卷中風

安神丸 見本卷癲狂

妙香丸 硃砂 牛黃 膩粉 巴霜 金箔 黃蠟 冰片
麝香 蜜丸

陰癰陰癰通治

五生丸 南星 半夏 川烏 白附 黑荳各生用一兩 薑汁糊丸

引神歸舍丹 膽星二兩 辰砂一兩 猪心血和丸 萱草根煎湯下 川附重便製七錢

五癰丸 白附子 半夏 南星 烏蛇 雄黃 麝香 皂角 薑汁糊丸 又名五癰

神應丸

錢氏五色丸 珍珠 雄黃 黑鉛 水銀同鉛炒 辰砂

六珍丹 水銀兩半 黑鉛一兩 熬屑 雄黃 雌黃 珍珠 各一兩 辰砂五錢 蜜丸

瀉青丸 膽草 山梔 大黃 芎 歸 羌 防 蜜丸 竹葉湯下

導赤散 見一卷溫

清神湯 見本卷癲狂

清膈飲 膽星一錢 木通 陳皮各八分 貝母 海石各二錢 白芥子五分 或加重便

清火逐痰降痰透竅清火消滯鎮驚固怒心血虛

硃砂安神丸 見二卷汗

控涎丹 見二卷痰飲

導痰湯 見一卷中風

金箔鎮心丸 見本卷癲狂

抽薪飲 黃芩 石斛 木通 梔子 黃蘗 連翹 花粉

大和中飲 見三卷飲食

抱膽丸 見本卷癲狂

安神導痰湯 見本卷癲狂

滋陰安神湯 見本卷癲狂

清心溫膽湯 見本卷癲狂

安神殺蟲

歸神丹 見本卷癲狂

妙功丸 丁香 木香 沈香各兩半 乳香 麝香 熊膽 各二錢半 雄雀屎三百粒直者即是 鶴龜即天

名精 雷丸 陳皮去白各一兩 輕粉四錢 大黃兩半 赤小豆即赤豆之細者勿誤半黑半赤之相思子用三百粒

巴豆七粒去皮研壓去油 硃砂一兩飛一半為衣 為細末 蕎麥一兩作糊 每兩作十九丸 硃砂為衣 每用一九溫水

浸一宿去水再用溫水化開 空心服之症重不過三服

加味逍遙散 見一卷火

加味壽星丸 半夏 南星 辰砂 琥珀 枯礬 母珍珠 糊丸

清心滾痰丸 見本卷癲狂

斷癇丹 見本卷癲狂

補中益氣湯 見一卷中風

調血化痰痰火除根補中

癰

張

中年宿癰頻發先必觸事生怒情不自禁發則猝倒無知齧
舌糜爛驚恐發搐痰響便遺此腎陰素虧肝陽易亢痰隨火升
阻蔽心胞故來驟甦遲且數發也急則治標用前胡青皮川貝
連翹鉤藤竹瀝菖蒲山梔礬水煎二劑諸症退神識清隨服補
腎平肝丸料發稀後用丸方常服茯神六錢羚羊角三錢膽星半錢天
竺黃五錢鬱金四錢川貝四錢蓮子心六錢西牛黃七分梔心三錢礬水滴丸
硃砂爲衣服愈

趙

髫年陰癰屢仆初更後聲喊涎湧搐搦逾時乃醒此風火痰
交煽顯然足少陽手厥陰受病主熄風火佐以豁痰羚羊角鮮

石菖蒲山梔鉤藤膽星橘紅防風前胡竹瀝數服發必稀然數
年久恙須調補其本用潞參綿耆茯神炙草山藥貝母熟地炭
當歸白芍爲末服調粳米屑俾脾元充旺間服抱龍丸可免痼
疾之累

怔忡驚恐

怔忡者。心動不安。無所見聞。驚恐而胸間惕惕自動也。驚者。神氣失守。由見聞奪氣而駭出暫時也。恐者。膽怯股慄。如人將捕之。乃歷久而懼難自釋也。怔忡傷心神。驚傷膽。液恐傷腎。精三者心膽肝腎病。恐甚於驚。驚久則爲怔忡。而心膽之虛。無不由腎精之虛也。昔人論陽統於陰。心本於腎。上不安者。由乎下。心氣虛者。因乎精。此精氣互根。君相相資之理。固然矣。然怔忡驚恐。與悲思憂怒。皆情志之病。患者非節勞慾。攝心神壯膽力。則病根難拔。治者務審其病情而調之。如心脾氣血本虛。而致怔忡驚恐。或因大驚猝恐。神志昏亂者。七福飲甚者。大補元煎。如腎水虧。真陰不足。致怔忡者。左歸飲。

如命火衰真陽不足致怔忡者。右歸飲。如三陰精血虧損陰中之陽

不足而致怔忡驚恐者。大營煎或理陰煎。如水虧火盛煩躁熱渴而為怔

忡驚悸者。二陰煎或加減一陰煎。如思慮鬱損心營而為怔忡驚悸者。逍遙飲或

益營煎。如痰火盛心下怔忡者。溫膽湯加炒黃連。如寒痰停蓄心下

而怔忡者。薑朮湯。如痰迷心竅驚悸者。溫膽湯甚者硃砂消痰飲。此景岳治法也

分治 卑懷附

怔忡 由心包血虛相火下迫震動君主神明或思慮勞神或鬱怒

動火致頭暈汗出不寐便濁等因宜養心血調心氣降火安神

為主。如心火熾甚。安神丸。心血虛熱。四物安神湯。心神浮越。酌用清鎮湯。水

衰火旺心動不安。天王補心丹。由汗下後氣虛。益營煎。營衛俱衰脉來

結代心惕不安。養心湯。心動而臥不安。棗仁湯。思慮煩勞心動不寐。

養營湯。憂思鬱結怔忡不已。歸脾湯。心虛怔忡自汗。養營湯去木香加浮小麥煎湯。

氣鬱不宜怔忡不定。加味四七湯。痰火怔忡時作時止。參胡溫膽湯。

箔鎮水停心下水氣乘心為悸。茯苓甘草湯。半夏茯苓湯。心

不安。為悸。膈下悸動為腎氣上凌。五苓散。加辰砂。腎氣凌心尺脉必弦緊。因痰飲而悸。

導痰湯。通治怔忡恍惚健忘降火安神。加味安神丸。

卑慄與怔忡類其症胸中痞塞不能飲食心常有歉愛居暗室見

人則驚避無地病至數年不得以癩症治之。人參養營湯。

驚症內經以驚屬肝胃雖風木震動胃土受尅之理良由心主先虛

乍有所觸而心駭神亂也故曰驚則心無所依神無所歸慮無

所定。丹溪云。驚則神出於舍。舍空液聚。痰涎着於包絡之間。神

不得歸。按。澹丹。加辰砂。遠志。多致目睛不轉。不能言。短氣自汗。卧不安。或

眠多異夢。隨卽驚覺。溫膽湯。加棗仁。卧多驚。噦。口中有聲。溫膽湯。下遠志丸。若

卧則魂夢飛揚。驚悸多。寤通。夕不寐。乃肝虛風襲入之。先用獨活湯數

服。後用珍珠母丸。至因大驚而病者。寸脉必動如豆粒。而無頭尾。急宜

鎮定。黃連安神丸。驚則氣亂。鬱而生火。生痰。痰與氣搏。變生諸症。溫膽

湯。加棗仁。蓮子。金銀器煎。或膽虛善驚。人參。肉桂。熟地。棗仁。肝

鎮心丹。琥珀。養心丹。遠志丸。酒化鹿角。心氣虛。神不定。而驚。妙香

膽俱虛。百藥不效。宜補腎。膠五錢。心血虛。神易擾。而驚。珠砂安氣血俱虛。恍惚煩躁。而驚。養心

慮過度。清心補血湯。痰擾心包。加味定志丸。被物所驚。心跳不安。珠砂

丹溪

云驚悸多屬血虛與痰瘦人多是血虛肥人多是痰飲時時心跳亦是血虛或陰火上衝所致。驚症有二有因病而驚者當察客邪而兼治其標有因驚而病者宜安養心神滋培肝膽端扶元氣為主。

恐症

內經兼心腎胃肝膽包絡諸經。經曰足少陰之脉病善恐又曰氣下。又曰精氣併於腎則恐肝臟血不足則恐又曰胃為恐。註云胃熱則腎水微故恐又曰心怵惕思慮則傷神神傷則恐。懼自失膽病者驚惕恐人將捕之肝病如人將捕之心包絡動心澹澹大動又曰恐則精却而恐為腎志屬

水本臟因旁及他經故治法亦別焉。恐由於腎傷者補精髓人

散。去桂心。加牛膝。遠志。由於肝膽虛者養陰血。酸棗仁湯去耆蓮。由於心

包絡者鎮其神。定志丸去朮加龍齒。治在陽明胃者壯其氣。四

湯倍其思慮勞心而善恐者一味鹿角膠。因腎中陽虛而善恐

者八味丸。

怔忡驚恐脉候

手厥陰脉甚動則心澹澹大動胃絡名虛里貫膈絡肺出左乳下其動應衣虛而有痰則動更須與發一陣熱者是也。以上怔忡脉
驚悸脉必結代寸口脉動而弱動爲驚弱爲悸病在心膽其脉必大動驚者其脉止而復來其人目睛不轉不能呼氣。以上驚脉
恐則脉沈恐傷腎脉必沈其人恐怖其脉形如循絲累累然其面白色脫也。以上恐脉

附方

七福飲 見三卷鬱

大補元煎 見一卷中風

心脾氣血

陰滋

左歸飲

見一卷虛損

陽補

右歸飲

見一卷虛損

陰三

大營煎

見三卷關格

三 拾

理陰煎

見一卷欬嗽

火心

二陰煎

見本卷癲狂

火心

加減一陰煎

母生地

白芍

麥冬各二錢

熟地三錢

知

想

逍遙散

見一卷火

楚思

益營煎

見本卷癰

火痰

溫膽湯

見一卷溫

痰寒

薑水湯

薑 朮 苓 夏 桂 草 棗

消痰 硃砂消痰飲 膽星五錢 薑湯下 硃砂二錢半 麝香五分 為末

心火 安神丸 見二卷汗 卽硃砂安神丸 又名黃連安神丸

血虛 四物安神湯 二地 歸 芍 參 朮 茯神 棗仁 黃

勞神 清鎮湯 茯神 棗仁 遠志 菖蒲 石蓮 當歸 生地

心神 天王補心丹 見一卷火

安火 養心湯 見二卷勞瘵

不心 棗仁湯 參 耆 歸 苓 陳 草 棗仁 遠志 蓮子

思煩 養營湯 參 耆 歸 芍 遠志 棗仁 茯神 木香

憂鬱 歸脾湯 見二卷勞瘵

氣結 加味四七湯 夏 樸 蘇 草 赤苓 茯神 遠志

菖蒲 蘆 棗

痰火

參胡溫膽湯

溫膽湯加草香附

人參薑棗

柴胡

麥冬

桔梗

甘

痰火

金箔鎮心丸

見本卷癲狂

水悸

茯苓甘草湯

苓

桂

草

薑

若再加半夏名半夏茯苓

水凌

五苓散

見一卷溫

痰侵

導痰湯

見一卷中風

通治

加味安神丸

地芍麥冬

遠志歸

芍

陳

貝

連

草

茯神

卑

人參養營湯

見二卷勞瘵

去痰

控涎丹

見二卷痰飲

驚風

遠志丸

見本卷癲

虛風

獨活湯

羌

獨

苓

夏

參

味

辛

草

前胡

沙

肝虛

珍珠母丸

珍珠母研細七錢五分 當歸 熟地各一兩五錢 人參 聚仁 柏子仁 犀角 茯苓各一兩

兩 沈香

龍齒各五分

煉蜜為丸

多夢

鎮心丹

棗仁 熟地

茯苓 龍齒

茯神 天冬

麥冬 遠志

五味 山藥

肉桂 車前

人參 硃砂

蜜丸

心跳

琥珀養心丹

琥珀 棗仁

龍齒 生地

遠志 當歸

葛蒲 黃連

茯神 柏子仁

人參 硃砂

牛黃

猪

心血和丸

妙香散

見二卷

神虛

清心補血湯

梔子 草 歸 芎 芩

棗仁 遠志

葛蒲 地 麥

味 陳

陳

加味定志丸

茯苓 三兩

琥珀 鬱金各五錢

遠志 葛蒲各二兩

薑汁糊丸

人參一兩

辰砂為衣

蕊珠丸

猪心血一個 硃砂一兩

乾青靛花

一七

將猪

茶下

將猪

心擾

痰煩

思慮

神虛

心跳

多夢

肝虛

珍珠母丸

鎮心丹

腎 心 胃 陽 虛 膽 惡

人參散
人參 枳殼 桂心 甘菊 茯苓 山萸 五味 杞子 各七錢五分 柏子仁 熟地 各一兩 酒下


二錢

定志丸
見本卷癲狂

四君子湯
參 苓 朮 草

八味丸
見一卷中風

補膽防風湯
防風一錢 人參七分 細辛 甘草 川芎 茯苓 獨活 前胡 各八分 爲末煎



怔忡

吳氏產後不寐心虛不安此去血多而心神失養也做養心湯意熟地棗仁茯神柏子仁麥冬潞參五味子炙草白芍三服愈

樊館課神勞心虛生熱治以天王補心丹

汪氏病久失調延成虛損怔忡汗出手足心熱坐起眩暈善飢無寐診左寸虛散右寸關虛弦兩尺稍大此陰虧火炎之漸惟營虛生內熱故手足如烙寤煩神失安故汗液自洩虛陽挾風上蒙清竅故頭目眩暈肝陽肆橫陽明當其衝風火消鑠故善飢滋液熄風全用柔劑歸脾湯去耆朮木香歸薑加白芍丹皮熟地甘菊炒六服漸安去丹皮甘菊再加山藥柏子仁晚服六味

九全愈

殷氏吐紅夜嗽舌爛心惕自汗不寐哺寒食減脘痞不舒脉虛芤
兩寸浮此營損及衛也用黃精柏子霜生耆炙草杞子棗仁茯
神白芍川貝龍眼肉小麥煎湯緩服當晚穩寐三劑汗收嗽定
矣又十餘服諸症俱愈

驚恐

貢氏驚悸恍惚不飢不食不寐脉虛促病因怒恐而得膽火上冒

則頭暈心中胸脘刺痛氣結呵欠怯冷倏煩熱多驚皆陽越失

鎮服藥鮮效總由治失其要先鎮浮陽再議和陰牡蠣龍骨俱

研二錢 慈石一錢 柏子仁連翹心各五分 茯神生棗仁各二錢 三服症象


大減改用羚羊角六分 嫩桑葉三錢 熟地棗仁茯神白芍各二錢 小麥

一合 麥冬半夏各錢半 數服能寐思食矣

族女產後心虛善恐見聞錯妄此由肝膽怯也用酸棗仁湯養陰

血棗仁潞參當歸茯神熟地遠志蓮子炙草服稍定時恍惚不

思食去熟地加竹茹菖蒲服漸瘳



煩躁論治

內熱為煩。外熱為躁。煩出於肺。躁出於腎。熱傳肺腎。則煩躁俱作。然煩為陽。屬有根之火。故但煩不躁。及先煩後躁者。皆易治。躁為陰。繫無根之火。故但躁不煩。及先躁後煩者。皆難治。傷寒論中有微煩。反煩。復煩。煩滿。煩熱。煩渴。胸煩。心煩。虛煩。大煩。皆熱也。先煩漸躁者。為煩躁。先躁復煩者。為躁煩。煩多屬熱。亦有陰寒而煩者。傷寒熱在表。而煩宜散。桂枝湯。在裏而煩宜下。承氣湯。在半表半裏而煩。宜和。小柴胡湯。在胸膈以上而煩。宜吐。梔豉湯。其陰寒而煩。則有惡寒。踡臥。及下利厥逆。吐衄之症。宜溫。溫用四逆湯。虬用烏梅丸。若煩而足冷。脉沈微者。此陰症之煩也。急用參附熱劑。溫之。悸而煩為虛。建中湯。煩而悸為熱。調胃承氣湯。如內傷陰虛火動而煩。宜生脉散。加生地黃。熟地黃。茯神。棗仁。

或不得卧而煩。

朱砂安神丸。

若不煩而躁。欲卧泥水中。但飲水不得入。

口者。此為陰盛格陽。

活人書用霹靂散。或附子理中湯。附子四逆湯。

其脉必沈細疾。肢體

厥冷。躁擾不欲飲水。是也。若誤認為熱。投以涼藥。頃刻死矣。傷寒

有邪在表而煩躁者。脉浮緊。發熱身痛。汗之則定。

大青龙湯。

有邪在裏

而煩躁者。脉數實有力。不大便。繞臍痛。下之則定。

承氣湯。

有陽虛而

煩躁者。汗下後。晝煩躁。夜安靜。脉沈微。身無大熱。

乾薑附子湯。

有陰盛

而煩躁者。少陰症。吐利。手足冷。煩躁欲死。

吳茱萸湯。

更有陰中伏陽煩

躁者。頭疼。身溫。指末冷。胸滿惡心。脉沈伏。按至骨。若有力。須破散

陰氣。導達真火。

本事用破陰丹。陰中伏陽症。用熱藥助陽。則為

見消亡。用破陰丹。使水升火降。得汗而解矣。

其雜症。虛煩。因津涸燥結而煩者。人參固本丸加。

棗仁。因血虛煩渴。至夜躁熱尤甚者。當歸補血湯。因腎水下竭。心火上

炎而煩者。生料六味丸煎服。病後餘熱欲吐。虛煩不安者。人參竹葉湯。竹茹湯。病久

煩熱不止。六味湯。肥人虛煩不眠為痰。溫膽湯。煩而溺澀者。五苓散。加滑石。

煩而嘔者。橘皮湯。

活人書曰。陰氣少。陽氣勝。則熱而煩。故太陽經傷風。多煩而躁也。

戴元禮曰。煩躁。陰陽經皆有之。陽明經有燥屎。故煩。此當下。承氣湯。

太陽經已得汗。渴煩者。五苓散。少陽胸滿而煩。小柴胡湯。陰煩。少陰為

多。由陽氣傳入陰經。陰得陽而煩。自利而渴。煩不眠者。辰砂五苓散。若

非是陽氣傳陰。陰氣犯陰經。吐利。手足厥冷而煩。經云。陽虛陰乘

之故。煩又云。陰盛發躁。欲坐井中。吳茱萸湯。甚者四逆湯。加蔥白二莖。外有虛煩。

一症。乃病愈後陰陽未復時發煩熱。

竹葉石膏湯。

李東垣曰。血虛發躁煩渴引飲。至夜尤甚。脉洪大。按之無力。

當歸補血

湯。

若以白虎湯

服之。則誤矣。若脉浮大。按之散。此虛極將脫。

人參生脉散。

許學士治李信道。六脉沈伏不見。按至骨。若有力。頭痛身溫煩躁。指冷胸中滿惡心。此陰中伏陽。仲景法中無此症。用冷藥則所伏真火愈消。即用熱劑助陽。先為陰遏。絕不能導引真陽。須用破散陰氣。導達真火之藥。使水升火降。然後得汗而解。與破陰丹二百粒作一服冷鹽湯下。不時煩躁狂熱。手足躁擾。其家大驚。許曰。俗所謂換陽也。須臾稍定。晷睡身汗涼解。又治一人傷寒身熱無汗。譫語下後大便不通三日矣。非躁非煩。終夜不得卧。時發嘆息。許曰。此懊憹怫

二症俱作。由胃中有燥屎也。與承氣下之愈。素問云。胃不和則臥不安。仲景云。陽明病下之。心中懊憹微煩。有燥屎者可攻。又云。有微熱。怫鬱不臥者。有燥屎。又云。胃中燥。大便堅。必譫語。皆湯症也。

附方

桂枝湯 桂 芍 草 薑 棗

大承氣湯 見一卷溫

小柴胡湯 見一卷溫

梔豉湯 梔子 豆豉

四逆湯 見一卷暑

表症裏症 桂枝湯 芍 草 薑 棗

裏症 大承氣湯 見一卷溫

表裏症 小柴胡湯 見一卷溫

裏虛煩 梔豉湯 梔子 豆豉

陰寒 四逆湯 見一卷暑

煩

烏梅丸

見三卷嘔吐

悸

建中湯

見二卷衄血

小建中湯加黃耆名黃耆建中湯

煩

調胃承氣湯

見二卷汗

實

生脉散

參 味 麥

傷

硃砂安神丸

見二卷汗

煩

霹靂散

川附子一枚

燒灰存性為末作一服蜜水調

盛

附子理中湯

見一卷中風

躁

大青龍湯

麻 桂 杏 膏 草 薑 棗

汗

乾薑附子湯

四逆湯去甘草

虛

吳茱萸湯

見三卷嘔吐

盛

伏陽

破陰丹

硫黃 水銀各一兩 陳皮 青皮各半兩 先將硫黃鎔化次下水銀打勻令無星細研入後三味麪

丸糊

人參固本丸

見一卷中風

當歸補血湯

黃耆一兩 當歸二錢

六味丸

見一卷中風

人參竹葉湯

一名竹葉石膏湯見一卷傷風

竹茹湯

麥冬 小麥 炙草 參 夏 苓 竹茹

溫膽湯

見一卷溫

五苓散

見一卷溫

辰砂五苓散

五苓散加 辰砂

津少血虛腎虛病後除熱痰多溺少少陰

類
三
嘔煩

橘皮湯

橘皮

生薑

健忘論治

健忘者。陡然忘之。盡力思索不來也。夫人之神宅於心。心之精依於腎。而腦爲元神之府。精髓之海。實記性所憑也。正希金先生嘗曰。凡人外有所見。必留其影於腦。小兒善忘者。腦未滿也。老人健忘者。腦漸空也。詎庵云。觀此則知人每記憶。必閉目上瞬而追索之。亦凝神於腦之義。故治健忘者。必交其心腎。使心之神明下通於腎。腎之精華上升於腦。精能生氣。氣能生神。神定氣清。自鮮遺忘之失。惟因病善忘者。或精血虧損。務培肝腎。六味丸加遠志五味或紫思過度。端養心脾。歸脾湯或精神短乏。兼補氣血。人參養營湯或上盛下虛。養心湯或上虛下盛。龍眼湯或心火不降。腎水不升。神明不定。朱

九。或素有痰飲。扶苓。或痰迷心竅。導痰湯。下。或勞心誦讀。精神恍惚。安神定志丸。或心氣不足。怔忡健忘。辰砂妙香散。或稟賦不足。神志虛擾。定志丸。孔。或年老神衰。加減固本丸。若血瘀於內。而喜忘如狂。代抵聖枕中丹。

附方

六味丸 見一卷中風

歸脾湯 見二卷勞瘵

人參養營湯 見二卷勞瘵

遠志丸 見本卷癰

養心湯 參耆歸朮二冬菖蒲遠志茯神
牛膝熟地木通

龍眼湯 參耆麥草柴胡升麻茯神丹參
龍眼遠志

用腎心脾氣血熱煩下虛上虛

心腎痰飲痰迷補攝恍惚怔忡虛擾毓神年老

朱雀丸

沈香一兩

茯神四兩

人參二兩

蜜丸

茯苓湯

參陳夏

苓竹瀝

薑汁各二匙

益智各一錢

烏

導痰湯

見一卷中風

壽星丸

參耆朮

草陳

苓地

芍歸

味

丸

安神定志丸

人參

白朮

茯苓

茯神

菖蒲

遠志

丸

辰砂妙香散

見二卷

定志丸

見本卷癲狂

枕中丹

見本卷癲狂

加減固本丸

熟地

天冬各一兩半

人參

菖蒲

麥冬

炙草

蜜丸

各一兩

遠志

硃砂

各五錢

茯苓

各五錢

丸

瘀血

代抵當湯

見二卷血

不寐論治

陽氣自動而之靜則寐。陰氣自靜而之動則寤。不寐者病在陽不

交陰也。

靈樞曰：衛氣日行於陽，夜行於陰。厥氣客於臟腑，則衛氣行於陽，不得入於陰；行於陰，則陽氣盛，陽氣盛則陽蹻滿，

不得入於陰，則陰氣虛，故目不瞑。衛氣留於陰，不得行於陽，留於陰，則陰氣盛，陰氣盛則陰蹻滿，不得行於陽，則陽氣虛，故目閉。

素問曰：陰虛故目不瞑，補其不足，瀉其有餘，調其虛實，以通其道

而去其邪，飲以

半夏湯。

其卧立至，蓋不寐多由思慮勞神，驚憂怒火

氣鬱生涎，用

半夏湯。半夏除痰而利小便，秫米益陰而利大腸。

則陰陽交通而得卧也。又

曰：胃不和則卧不安，蓋胃氣主降，若痰火阻痺，則煩擾不寐也。

宜橘

紅茯苓、石解、半夏、炙甘草、枳實、查肉、神麴之屬。

又曰：卧則喘者是水氣之客也。此水停心

不得眠。

宜茯苓、甘草湯。

若夫心血不足，或神不守舍。

宜歸脾湯、琥珀養心丹。

由肝

虛受邪。夢中驚悸。魂不守舍。先服獨活湯。後服珍珠母丸。綱目曰。人臥則血歸於肝。今血不靜。臥不

歸肝。故驚悸。由營衛俱虛。神魂失守。七福飲。或大補元煎。由膽火鬱熱。口苦

不得臥也。神煩。溫膽湯。加丹皮。由腎陰久虧。孤陽浮越。六味湯。加淡萊。由心

火焦煩。津乾口渴。宜補心丹。由驚恐傷神。心虛不安。養心湯。由思慮傷

脾。脾血虧損。經年不寐。歸芍六君湯。或益氣安神湯。由膽虛不眠。定志丸。加熟

仁一兩。研末。酒調服。由心膽俱怯。觸事易驚。十味溫膽湯。由病後虛煩不眠。竹葉

湯。茯苓。山虛勞煩熱不寐。金匱酸棗湯。由高年血衰不寐。聖愈有

喘不得寐者。蘇子竹茹湯。經曰。肺者藏之。有臥易驚醒者。羌活

丸。有通宵不寐者。安臥如神湯。有煩不得寐。服藥不效者。砂安神丸。

有病久餘熱不止。遺精不寐者。六味丸。加炒棗仁。五味子。病後及吐下後。與潰

傷不得眠者。屬膽虛。人參、茯神、棗仁、陳皮、麥冬、龍眼、爲主。有火。醫通曰。凡婦人肥盛多鬱。不得眠者。吐之。從鬱結痰火治。溫膽湯用牛夏麴加柴胡、熟棗仁。凡怔忡驚恐健忘癲狂失志不寐。皆由痰涎沃心。以致心氣不足。若涼心之劑太過。則心火愈微。痰涎愈盛。惟以理痰順氣養心安神爲第一義。導痰湯加茯神、人參、石菖蒲。

附方

半夏湯

半夏五合 卽已

秫米一升

用清水揚萬遍煮服汗出

茯苓甘草湯

見本卷怔忡

歸脾湯

見二卷勞瘵

琥珀養心丹

見本卷怔忡

神安血心喘臥經內

風邪肝虛營衛補元膳熱滋陰心火心虛心虛脾虛

獨活湯

見本卷怔忡

珍珠母丸

見本卷怔忡

七福飲

見三卷鬱

大補元煎

見一卷中風

溫膽湯

見一卷溫

六味湯

見一卷中風

補心丹

見一卷火

養心湯

見二卷勞瘵

定志丸

見本卷癲狂

歸芍六君子湯

六君加

歸

芍

脾虛心虛膽虛煩心煩補肝虛煩血衰臥喘驚醒通宵

益氣安神湯 參 耆 苓 草 歸 地 麥 連 棗 仁

十味溫膽湯 溫 膽 湯 加 人 參 熟 地 棗 仁 遠 志 五

竹葉石膏湯 見一卷傷風

茯苓補心湯 苓 夏 陳 草 歸 地 麥 冬 茯 神

金匱酸棗仁湯 見一卷中風

棗半湯 棗 仁 半 夏 地 黃

聖愈湯 見二卷勞瘵

蘇子竹茹湯 蘇 子 竹 茹 陳 皮 桔 梗 甘 草

龍甲羌活丸 羌 獨 防 芎 參 耆 味 草 龍 甲

安臥如神湯 茯 苓 茯 神 白 朮 山 藥 寒 水 石 棗 仁

各一錢 遠志 炙草各五分 人參四分

虛煩心火滌痰

辰砂五分

梔豉湯

梔子

豆豉

硃砂安神丸

見二卷汗

導痰湯

見一卷中風

多寐論治

多寐者陽虛陰盛之病。

靈樞曰足太陽有通項入於腦者正屬目本名曰眼系在項中兩筋間入腦乃別陽

目內眥陽氣盛則瞋目陰氣盛則瞋目。心神昏濁不能自主脾氣

困頓食已即倦皆能致之欲清心神。

如麥冬石菖蒲欲醒脾困。

湯加砂仁

身重脉緩多寐溼勝也。

平胃散加防風白朮

神倦肢惰嗜卧氣弱也。

參人

湯益氣

長夏倦午四肢不收脾肺氣弱而傷暑也。

清暑益氣湯

病後身熱

好眠餘邪未清正氣未復也。

沈氏葳蕤湯

膽實口苦嗜寐少陽經熱也。

生棗仁一兩研末茶清調服。

狐惑症。

病後腸胃空虛三蟲求食食人喉為惑上唇生瘡食人肛為狐下唇生瘡四肢

沈重默默多眠。

黃連犀角湯治感桃仁湯

風溫症身熱脉浮自汗體重多眠鼻

鼾語言難出治在少陰厥陰不可發汗。

葳蕤湯去麻羌

熱症得汗後脉沈

細身冷喜臥四逆少陰症欲寐從本病治

附方

六君子湯 見一卷中風

平胃散 木 樸 陳 草

人參益氣湯 黃耆錢半 人參 防風 升麻各七分 熟地六分 生地 白芍各五分 炙草三分

肉桂二分 五味 二十粒

清暑益氣湯 見一卷暑

沈氏蕨蕤湯 蕨蕤 茯苓 棗仁 石膏各一錢 人參七

黃連犀角湯 黃連 犀角 烏梅 木香 桃仁各一錢

治感桃仁湯 桃仁 生槐子研 艾葉各二錢

脾虛除濕氣弱 暑倦病後 瓜 感 孤 或

熱症風溫

四逆湯 見一卷暑

歲時湯 見一卷溫

三消論治

消分上中下三症。謂消渴、消穀、消腎也。皆水火不交、燥熱傷陰所致。故經云：二陽結謂之消。手陽明大腸主津，足陽明胃主土，肺主燥，結失潤，故爲消。上消主肺，肺熱化燥，渴飲無度，是爲消渴。經所謂心移熱於肺，傳爲鬲消也。中消主胃，胃熱善飢，能食而瘦，是爲消穀。經所謂瘕成爲消中也。下消主腎，虛陽燥陰，引水自救，溺濁如膏，精髓枯竭，是爲腎消。經所謂腎熱病苦渴數飲，身熱也。三消之症，上輕中重下危。然上中不甚，則不傳下矣。故腎消者，乃上中消之傳變。肺胃之熱入腎，消燔腎脂，飲一溲二，溲如膏油，蓋肺主氣，肺病則不能管束津液，上朝咽嗑而盡輸於下，其精微亦隨溲下也。且消之由於火盛者，陽

消症也。亦有氣血消乏而為陰消症者。如經曰心移寒於肺。為肺消。飲一溲二。死不治。景岳以為元陽大衰。金寒水冷。水不化氣。而氣悉化為水也。脉經曰心脉微小為消瘵。可知症多陽虛而火多假火。故治三消者必察其脉。氣病氣形氣。但見本源虧竭及假火症。當速救根本。以滋化源。勿專以清火為急。故金匱云男子消渴。小便反多。飲一斗小便一斗。人味丸主之。所以助氣化使津液得升也。趙養葵亦曰治消症無分上中下。但滋肺腎。上消小劑。中消中劑。下消大劑。概用六味丸。或命門火不歸源。遊於肺為上消。遊於胃為中消。惟引火歸源。宜入味丸。使火歸釜底。水火既濟。氣上熏蒸。肺受津潤。渴病自止。若過用寒涼。恐內熱未除。中寒又起。古法以人參白虎

湯治上消以

調胃承氣湯

治中消者非也

必右寸滑數熱傷肺氣乃可人參白虎湯必右關數實陰

熱內蘊乃可調胃承氣湯

又經云二陽之病發心脾有不得隱曲其傳為風消

謂憂傷心思傷脾鬱結不遂則營液暗耗胃大腸俱失通潤而肌

肉風消也

宜歸脾湯送固本丸或生脉散

此亦陰消之類今統論之消症氣分渴

者喜飲冷水宜寒涼滲劑以清熱血分渴者喜飲熱茶宜甘溫峻

劑以和陰

須細診脉之上下左右滑數沈細以定其有餘不足而審治之

如上消氣分燥渴者黃

湯血分燥熱者

易簡地黃飲子氣血燥熱者竹葉黃耆湯

肺火消渴咽乾便秘

者生津

心火消渴小水赤澀者

清心蓮子飲

心火上炎腎水不濟氣血

日消者

降心湯消渴夜甚者

加減地黃丸

消渴溺少身腫者

紫蘇

消渴脉

浮微熱小水不利者

五苓散

消胃滿心煩者

麥門冬飲子

老人虛人消

渴者。人參麥冬湯。通治上消。天花粉散。中消能食而瘦。渴飲便秘。溺數者。香

飲。食已如飢。胃熱脉盛。面黃肌瘦。胸滿脇脹者。七味白朮散。胃火易飢。

熱在肌肉者。瀉黃散。胃熱乾渴。水虧火炎者。玉女煎。心肺熱渴者。丹溪

脾肺津乾。不思飲食者。本事黃耆湯。通治中消。黃連猪肚丸。中消後胃熱。

傳腎消。燥脂液。腿細足痿者。白茯苓丸。下消渴飲。溺如膏油者。治宜攝

固。元菟丸。腎消虛濇者。通攝兼施。雙補丸。腎消淋濁有火者。補而兼

瀉。六味丸。加知藥。淋濁無火者。補而兼攝。左歸飲。或火衰不能化

氣。氣虛不能化液者。益火之源。加減腎氣丸。或無火而滑。小溲無

度者。益陽固陰。鹿茸丸。腎消強中莖長而堅。精自出者。此孤陽外張。

陰不內守。難治。由好色縱淫。或餌丹石。陽起石。鍾乳粉之類。直

指曰。服五石者。真氣既盡。

石性獨留。陽道與舉不交。其飲食如湯沃雪。久則陽強精脫。石性

精洩。名曰強中。不可治。通治下消。加減入。三消久。小水不臭反甜者。此脾氣下脫。症最

重。七味白。若溺後。溺面浮脂者。此膏液下流。腎不約制。白朮散。外

有脾熱口甜。為消瘴。經謂數食肥甘。其氣上溢。轉為消渴。經川蘭

○肥令人內熱。甘令人中。此膏梁釀熱。涸津。即消中之漸。宜地黃

滿治之以蘭。除陳氣也。泉有食。而過不生肌肉也。經謂大腸移熱於胃。善食而瘦。胃移

熱於膽。皆名食。中消。有酒渴。由嗜酒積熱。煩渴。專嗜冷物。烏梅

湯。有蟲渴。臟腑生蟲。耗津液而成消渴。苦棟。其有渴飲一二口。即

厭。少頃復渴。但不若消飲者之無厭。此中氣虛寒。寒水上泛。逼其

浮游之火。於喉舌間。故上焦欲得水救。水到中焦。以水遇水。即厭

也。如面赤煩躁。宜理中湯。送八味丸。凡渴而不能食者。末傳中滿鼓脹。能食

而渴者。必發腦疽背癰。皆不治。此又消渴之傳變。所必防者。

本事曰。消渴全因坎水衰少。腎陽不升。肺為華蓋。譬板覆釜。煖氣

上騰。則板能潤。若腎氣能蒸化。則飲食精液上升。自免乾渴。宜入味丸。

徐忠可曰。消因腎虛。或因二陽結。或為厥陰病。其能食而渴者。宜

重二陽論治。其飢不欲食。氣撞心者。宜重厥陰論治。仲景傷寒論。厥陰之為病。

消渴氣上撞心。飢而不欲食。皆由厥陰風鬱火燔也。其飲一溲二者。宜重腎虛論治。此臨症

時所宜細辨也。

繆仲淳曰。三消渴疾。以鮎魚涎和黃連末為丸。每五七丸。烏梅湯

下。日三服。效。以白芍甘草等分為末。每一錢水煎。日三服。有患

消渴九年服藥止而復作得是方服之七日頓愈不可以其平易而忽之。以栝蒌根即天花粉黃連各三兩爲末蜜丸每三十九麥冬湯下日二服其飲水無度小便數者用田螺五升水一斗浸一夜渴卽飲之每日一換水及螺或煮食飲汁亦妙飲水無度小便赤澀者用秋麻子仁一升水三升煮三四沸飲不過五升癢腎消飲水渴如膏油者用茴香苦楝子等分炒研末食前酒服二錢消渴下元虛者用牛膝末酒蒸五兩生地汁五升浸日晒夜浸汁盡爲度蜜丸酒下三十九久服津液自生胃虛消渴者羊肚煮爛空腹食之消渴煩亂者乾冬瓜瓢一兩水煎服消渴羸瘦小便不禁者兔骨和大麥苗煮汁服極效消中易飢者用菰

蓉山黃五味蜜丸每鹽酒下三十丸。三消骨蒸者以冬瓜自然汁浸晒黃連末七次又以冬瓜汁和丸每三四十丸大麥湯下尋常口渴一服效。

三消脉候

消渴脉實大病久可治。脉懸小堅病久不可治。內經跌陽脉數胃中有熱。卽消穀引飲大便必堅小便卽數。仲景消渴脉當緊實而數反沈瀄而微者死。心脉滑爲渴滑者陽氣勝也。心脉微小爲消瘵凡消症脉數大者生。沈小者死。經脉真陰耗竭腎氣不升肺臟枯燥寸口數盛爲上消。竭力房室服食剽悍火土太強恣情肥美氣口動滑爲中消。虛陽不守封藏不固。右尺數大爲下消。張氏醫通消

痺診論宜參玩

附方

腎虛上消中消補脾肺虛肺虛氣燥血燥
六味丸 見一卷中風

人參白虎湯 見一卷中風 加人參

調胃承氣湯 見二卷汗

歸脾湯 見二卷勞瘵

人參固本丸 見一卷中風

生脉散 參 麥 五味

黃芩湯 芩 梔 桔 麥 歸 芍 參 地 花粉 葛
根各一錢 烏梅一个

地黃飲子 見一卷中風

氣血

黃耆竹葉湯

參

者

歸

芍

地

麥

芩

苓

草

肺

生津飲

二冬

一錢

二地

歸

味

萸

草

麻仁

花粉

各

火

清心蓮子飲

見一卷火

心

降心湯

花粉二錢

參

者

歸

地

味

草

苓

遠

肺

加減地黃丸

熟地

山藥

山萸

丹皮

五味

百藥煎

陰

紫蘇湯

紫蘇

桑皮

赤茯苓

各一錢

肉桂

郁李仁

二錢

獨活

羚羊

枳

身

五分

利

五苓散

見一卷溫

高

麥門冬飲

麥冬二錢

知母

花粉

人參

五味

葛根

湯

人參麥冬湯

參

苓

麥

味

草

杞子

茯苓

生地

甘草

各一錢

竹葉

十張

上消中消

氣虛胃火胃熱心脾

脾肺通治

天花粉散

花粉 生地 麥冬 乾葛各二錢 五味 甘

蘭香飲子

石膏三錢 知母錢半 甘草 防風各一錢 桔梗 升麻各

五分 半夏二分 薑湯下

七味白朮散

參 朮 苓 草 藿香各五分 乾葛一錢 木香五分

瀉黃散

見一卷火

玉女煎

見一卷溫

藕汁膏

人孔 生地汁 藕汁各一大盞 先熬為膏加黃 連五錢 花粉一兩研末同熬再加 薑汁 白蜜

為膏

喻化

黃耆湯

耆 地 芍 麥 味各三兩 參 草 天冬各 三錢 茯苓一兩 每服三錢 加烏梅 薑 棗

黃連猪肚丸

黃連 梁米 花粉 茯神各四兩 知母 麥冬各二兩 為末以猪肚一个洗淨入藥縫

三消

三

痿弱

口煮爛杵細蜜丸
人參湯下

白茯苓丸 茯苓 黃連 花粉 葦薈 熟地 覆盆子
人參 元參各一兩 石斛 蛇床子各七錢半

雞內金炒三十個

蜜丸 磁石湯下

元兔丸 兔絲子酒浸研焙乾十兩 五味子酒浸研焙乾七
兩 茯苓 蓮肉各三兩 山藥六兩 共研將所

下消

浸酒打糊爲丸

空心米飲下

攝精

秘元煎 遠志 山藥 芡實 棗仁各炒 金櫻子各二錢
白朮 茯苓各錢半 炙草 人參各一錢 五味

十四粒

水煎

通攝

雙補丸 鹿角膠 人參 茯苓 苡仁 熟地 菟絲子 當歸
石斛 黃耆 木瓜 五味子 兔絲子 芎藭

盆子各一兩 沈香 澤瀉

各五分 麝香一錢
大補地黃丸 見一卷燥

補瀉

補攝益火

益火補固

強中

下消

左歸飲 見二卷虛損

大補元煎 見一卷中風

加減腎氣丸 熟地二兩 丹皮 澤瀉 茯苓 山藥 山 黃 五味 鹿茸各一兩 肉桂 沉香各五

錢蜜丸 空心服

右歸飲 見二卷虛損

鹿茸丸 麥冬二兩 鹿茸 熟地 黃耆 五味 雞內金 茯苓 故紙 牛膝 山黃 人參各七錢五分

地骨 茯苓 元參 各五錢 蜜丸

石子齋范湯 黑大豆一升煮汁去渣 人猪腎一个煮汁 人參 茯苓 磁石 入舊范 石膏各三兩 花粉

知母 葛根 黃芩 甘草各二兩 分三服水煎

加減八味丸 八味減附子 加五味

消 癰 酒 渴 蟲 渴 煩 渴

玉泉丸

花粉

葛根各一兩五錢

人參

麥冬

烏梅

草各一兩

生耆

炙耆各五錢

蜜丸

烏梅木瓜湯

烏梅一錢

木瓜各二錢

麥芽

草果

甘草各

苦楝子湯

苦楝根皮一握切焙

麝香少許

水煎

理中丸

見一卷中風

三消

何 六旬外脉數消穀善飢動則氣喘是脂液內涸火亢鑠金之候經所謂壯火食氣固本丸加生白芍炒知母效

族女頻食易飢手足瞤動此消中症經云痺成爲消中以初病胃熱消穀而瘦煎熬日久胃脂內消水液不爲宣布下注直降勢必延爲燥涸局方甘露飲宜之

朱 渴飲消水日夜無度自夏歷冬閱所服方寒熱互進毫不一效今飲一洩一渴則飢餓明繫腎陰竭於下虛陽灼於上脉轉沈遲沈爲厥陰受病遲則熱極反有寒象也思壯火銷鑠腎陰腎液既涸必引水自救症成下消急滋化源遲則難挽倣易簡

地黃飲子加減生地熟地人參麥冬石斛花粉阿膠甘草服之
效又令服六味丸加猪脊髓龜膠女貞子杞子五味去澤瀉茯
苓得安

黃疸論治

黃疸 穀疸 脫力黃附

酒疸

女勞疸

黃汗

黃胖

黃疸由脾胃溼熱鬱蒸漸致身目如金。汗溺皆黃。經謂溼熱相交

民病癰也。丹溪云。此如蠶麴醬相似。溼熱久留。其黃乃成。此發黃

傷寒論發熱。但頭汗出。小便不利。渴飲。瘀熱在裏。必發黃。又云。傷

寒。汗已。身目為黃。以寒溼在裏。不解。非但溼熱發黃。寒溼亦發黃

也。溼熱發陽黃。寒溼發陰黃。此發陽黃。陰黃所由。海藏云。凡病當汗不汗。當利小便。不利

皆生黃疸。有五黃疸。穀疸。酒疸。女勞疸。黃汗。身目悉黃。寒熱體倦

者。為黃疸。茵陳五苓散。食已如飢。頭眩煩熱。身黃者。為穀疸。猪肚丸實者。茵陳蒿

湯。或龍膽苦參丸。經云。食已如飢者。胃疸。即穀疸也。大醉當風入水。心中懊懣。不食欲嘔。

面黃赤斑者。為酒疸。葛花解酲湯。加茵陳。房勞小腹滿急。額上黑。手足心熱。

薄暮發者為女勞疸

加味四君子湯。經云弱黃赤安。汗出染衣。臥者黃疸。正理。黃疸得之女勞也。

汗出染衣

色如蘗汁。因身熱汗出。澡浴水入毛孔而成者為黃汗。

黃者。黃者。

既分

五疸。宜辨陰陽。陽黃多由瘀熱。煩渴。頭汗。脉必滑數。陰黃多由寒

溼。身冷。汗出。脉必沈微。陽黃係胃腑溼熱。熏蒸與膽液泄越。上侵

肺。則發而為黃。其色明如橘子。治在胃。茵陳蒿湯。陰黃係脾臟寒溼。不

運與膽液浸淫。外漬肌肉。則發而為黃。其色晦如烟熏。治在脾。茵

四逆湯。陰黃亦有體痛發熱者。但身如熏黃。終不似陽黃明如橘子

色也。海藏治陰黃。小便不利。煩躁而渴。茵陳茯苓湯。發黃煩躁。喘嘔不

渴。茵陳陳皮湯。發黃四肢偏身冷。茵陳附子湯。發黃肢體逆冷。腰自汗。茵陳

湯。冷汗不止。茵陳薑附湯。發黃服薑附諸藥未已。脉尚遲者。茵陳芍藥湯。傷

冷中寒脉弱氣虛

理中湯加茵陳

挾表脉浮

桂枝加黃耆湯

往來寒熱

小柴胡湯加梔子

胸滿嘔吐

小半夏湯

小便利而色白者仲景作虛勞治

中湯

一種虛黃

口淡怔忡耳鳴足軟神疲無力

人參養營湯。穆仲醇曰因勞發黃用秦艽五錢酒浸絞汁空心服

或利便止

有風黃其人肥風不外洩身不黃獨目黃者

青龍散有痰

血發黃身熱小便自利大便反黑脉扎澹當下盡黑物

桃仁承氣湯

疫癘發黃殺人最急

茵陳瀉黃湯。清生茵陳湯。仲醇曰時行黃疸用小麥湯。

別有黑疸因

女勞傷腎額色黑膀胱急腹脹如水便黑多澹

確礬散

酒疸下之久

亦成黑疸目青面黑心中如噉蒜薑狀大便正黑

沈氏俱用黑疸湯

若黃

變腫脹必疏導腑中溼熱

茯苓滲溼湯去苓連芩葛。加薏仁大腹皮雞內金。

若絡脉瘀熱

發黃

金鈴子散

疸久不愈則補脾

參朮健脾丸色疸久加黃耆扁豆子

總之黃而不

渴易治。渴者難治。初起宜汗。有食宜消。渴少宜利。小水利黃自退。

通用化疸湯。久而虛。脉症宜溫補者。養營湯。四君。子湯。腎氣丸。酒疸多蘊熱。先

用清中。茵陳湯。黃湯。加分利。加減五苓散。後必顧其脾陽。香砂六君湯。加枳椇子。女勞

有穢濁。始用解毒湯。黑疸。繼滑竅。二石散。終當峻補腎陰。六味湯。外有黃

胖症。與黃疸異。黃疸目黃。身不腫。黃胖多腫。其色黃中帶白。目如

故。疲倦少神。病源雖同。屬脾然。黃疸由溼熱鬱蒸而成。黃胖則溼

熱未甚。多蟲與食積所致。必吐黃水。毛髮皆直。或嗜食生米茶葉

土炭。宜四寶丹。有食積則消導。保和丸。或健脾去溼藥中。加針砂重蓋

疸屬暴病。故仲景以十八日為期。黃胖為宿病。有久而不愈者。正

傳曰。緣礬丸。秘金丸。二方治黃胖病最捷。又勞力受傷。亦成黃胖。能食易

飢疲倦無力。沈氏雙砂丸。俗名脫力黃。此又在蟲食黃病之外者。參沈氏

黃疸脉候

五疸實熱脉必洪數。其或微瀼。悉屬虛弱。直指曰。疸脉緩大者順。弦急而堅者逆。脉小洩利不渴者生。脉洪泄利而渴者死。疸毒入腹喘滿者死。寸口近掌處無脉。口鼻冷者死。

附方

茵陳五苓散

茵陳 車前

蒼朮 柴胡

澤泄 木通

猪苓

茯苓

官桂

猪肚丸

白朮

苦參

牡蠣

入猪肚

煮爛

搗丸

茵陳蒿湯

茵陳

山梔

大黃

黃疸穀疸陽疸

穀疸酒疸女勞黃汁陰黃陰黃陰厥陰黃陰黃陰黃

龍膽苦參丸

膽草一兩 麥芽煎湯下

苦參三兩 二錢日三服

牛膽汁丸

食前大

葛花解酲湯

見一卷溼

加味四君湯

參

苓

朮

草

加黃耆

白芍

扁豆

黃耆湯

黃耆 竹葉

赤芍 生薑

茵陳

石膏

麥冬

豆豉

甘草

茵陳四逆湯

附

薑

草

加茵陳

茵陳茯苓湯

茵陳

茯苓

猪苓

滑石

當歸

官桂

茵陳陳皮湯

茵陳

陳皮

白朮

半夏

茯苓

生薑

茵陳附子湯

茵陳

附子

甘草

茵陳薤附湯

即茵陳四逆湯

茵陳茱萸湯

茵陳

茱萸

附子

乾薑

木通

當歸

陰黃 表汗 寒熱 嘔吐 虛勞 虛黃 風黃 瘀血 疫黃 疫黃

理中湯 參 朮 薑 草

桂枝黃耆湯 桂 芍 草 薑 棗 加黃耆

小柴胡湯 見一卷溫

小半夏湯 夏 薑

小建中湯 見三卷衄血

人參養營湯 見二卷勞瘵

青龍散 防風 荆芥 生地 首烏 威靈仙 每服一錢

桃仁承氣湯 見一卷疫

小麥湯 小麥 竹葉 石膏 水煎

茵陳瀉黃散 茵陳 葛根 黃連 山梔 白朮 赤苓
白芍 木通 人參 木香 薑 棗

疫黃疸黑疸洩毒諸疸絡瘀久疸通治通治通治溫補滲溼

濟生茵陳湯

茵陳四錢

大黃二錢

山梔一錢

即茵陳

硝礬散

此方

散礬熱解腎毒

等分研末

大麥汁服方寸七

沈氏黑疸方

茵陳四兩搗汁

沈金鰲製以泄疸毒

和服黃水

茯苓滲溼湯

茵陳

茯苓

山梔

秦艽

防己

葛根

金鈴子散

見三卷鬱

參朮健脾丸

見三卷腫脹

化疸湯

茵陳

蒼朮

茯苓

猪苓

木通

山梔

薏仁

當歸白朮湯

歸朮

前胡

夏苓

枳

草

茵陳

棗

腎氣丸

見二卷虛損

加減五苓散

加茵陳

減肉桂

見一卷溫

脾陽女勞補陰黃胖

香砂六君丸 見三卷嘔吐

二石散 滑石 石膏 等分爲末大麥汁服

六味湯 見一卷中風

四寶丹 使君子肉二兩 檳榔 南星各一兩 蜜丸 吃
炭如黑炭 砂糖 吃茶葉加細茶 吃土加堊土 吃

水送下

保和丸 見二卷痰飲

綠礬丸 綠礬炒白 五倍子炒黑 神麴炒黃 鍼砂醋淬
薑汁煮棗肉爲丸 酒下

褪金丸 針砂 香附各六兩 白朮 蒼朮各二兩五錢
陳皮 神麴 麥芽各一兩五錢 厚樸 甘草各

一兩 麵糊丸

米湯下
沈氏雙砂丸 鍼砂四兩炒紅醋淬 砂仁一兩生研 香附
便製五錢 皂礬麴包煨紅一兩 大麥粉三

脫力

食滯黃胖

升大香生研一兩元
棗一觔煮肉爲丸

黃疸

許 傷精發黃頭眩面浮腰膝乏力足心如烙脉洪大而虛用薛

氏六味丸君茯苓去澤泄加生地牛膝酒蒸蓮子薏仁湯九兼

服飯後用甘菊炒黑山梔嫩桑葉鉤藤泡湯服數月而痊

貢 勞傷元氣發黃食減氣少目黃面晦倣仲景法以黃耆建中

湯去桂參入參苓白朮散治之效後服蓮子薏米紅棗等調理

此端調補脾元不與諸疸例治若一例茵陳梔子滌除溼熱恐

變成脹滿矣

石 陽黃乃溼從熱化瘀熱在裏蒸動膽液洩而爲黃明如橘子

今日黃面色亮頭眩胸痞不渴肢倦少力手足心熱大腸結遇

勞則甚脉右大左虛濡雖繫澤甚生熱然平人脉大爲勞且疽
久不愈乃勞力傷氣之候用補中參滲瀝法潞參茯苓薏米於
水各錢半雞內金茵陳鉞砂各二錢山梔甘菊丹皮各一錢炙草五分數
服眩痞除食頗加去甘菊山梔加黃耆白芍俱炒蓮子炒十粒又
數服黃漸退

葉

長夏暑溼外蒸水穀內蘊脾陽失運頭眩欲嘔面如熏黃食
入作脹午候煩而渴赤脉濡左畧大先宜分清法羚羊角山梔
茵陳赤茯苓仁製半夏砂仁壳滑石石斛車前子燈心三服諸
症已減改用厚樸薑製枳壳炒陳皮大腹皮薄荷茵陳二服脹除
黃未退欲速更醫用沈香焦朮等燥品忽發額疽又用犀角黃

連午前後潮熱用生地知母黃芩更劇面晦黑寒熱額汗腹滿
嘔瀉舌胎膩白膈有粘涎復商治子謂此溼勝也溼壅則生熱
治宜滲溼用四苓散加半夏麴橘白薏仁煨薑午前服瀉減嘔
沫猶是暑溼交蒸濁涎失降脉見濡數亦熱從溼化象也更用
胃苓湯去白朮加製半夏生薏仁煨薑其蒼朮生用鍋巴湯煎嘔

止瀉少惟煩熱之起伏隨太陽之升沈午未特甚則溼去而熱
留也因用黃芩丹皮山梔赤苓地骨皮枯蕓根汁加六一散一錢

冲服瀉熱悉止惟神倦嗜臥臥覺口燥津不上朝於肺用參麥
入加味逍遙散內扶元生津兼散鬱蒸脉息乃平惟左關較大

倣石室秘錄用白朮五錢茯苓三錢薏仁一兩龍膽草山梔茵陳各一錢

潞參黃耆

各二錢

燥脾溼培真元佐瀉火後仍欲速效悞服前醫

滋陰之劑遂成不治

薛

脾虛傷溼病發陰黃數年面浮足腫頭眩唇白便後血與調

補藥稍愈近便血雖止溇而不爽小水短數腹大而鞭身熱體
倦脉細小濡數與補中升提佐以淡滲腿足腫退脉較有神繼
與潞參生朮赤苓丹皮黑山梔茵陳牡蠣升麻大便爽熱較輕
中脘偶痛去丹梔升朮加木香陳皮白芍痛除改用腎氣湯去
山萸澤泄附子加炮薑腹漸軟後因不慎於口竟以服終
耿久疸神疲頭眩面浮不時熱渴脉虛大陽浮不斂宜攝陰和
陽牡蠣白芍五味洋參熟地麥冬石斛檀豆皮數服效

錢 黃疸傷食腹脹溺黃用健脾分消之品加入茵陳湯腹脹如

故擬陽明胃腑熱鬱蒸用禹餘糧

醋煨七次

生地松蘿茶

各四兩

礬

煨一兩

棗肉

煨

研搗爲丸服愈

唐

童年面黃能食目眩發熱不時由溼甚生熱熱蒸變黃胃熱

穀消此爲穀疸宜猪肚丸入秋食後脹眩便溼脉虛小熱與溼

搏由太陰不運少陽化風主理脾陽佐以熄風生白朮潞參陳

皮薏仁雞內金半夏麴

俱炒

茵陳赤苓甘菊

炒

天麻

煨

服愈

類證治裁

卷之四

遺症

四

瘧症論治

瘧疾四時皆有而多發於夏秋。以夏傷於暑汗出腠開當風浴水。受淒淪之水寒。及秋遇涼風束之裏邪不能外越。則隨經絡以內。薄舍於臟腑募原之間。居半表半裏。與日行之衛氣相值而瘧作焉。當其邪正交爭併於陰則中外皆寒。經所謂起於毫毛伸欠併於陽則外內皆熱。破渴欲冷飲也。極則陰陽俱衰衛氣相離。故病得休。衛氣集則復作。經云。衛氣日行於陽夜行於陰。瘧邪得陽而外出薄於陰。陽氣獨發陰邪內著。陰與陽爭不得出。故間日作。邪氣內薄五臟橫連募原其道遠其氣深其行遲不能與衛氣俱出。故間日乃作。其間二日者。邪氣與衛氣客淺者邪發三陽隨衛氣以出於六腑。有時相失必休數日乃作也。則日一作深者邪舍三陰不能隨衛氣並出。或間日間二三日而

作。病深者作愈遲。以瘡邪有在經在腑在臟之別也。已注編云。臟腑相接處有
虛界之募原。而虛界中復有剛柔筋脉。其為某臟腑之筋。即為某
臟腑之病。究之臟腑瘡病。皆募原伏邪之氣所遷移。間日間二三
日募原有遠近耳。故邪傳陽分則作日早。邪陷陰分則作日晏。經曰。邪客風府。循膂
而下。與衛氣一日夜會於風府。日下一節。故其作晏。其出風府。日
下一節。二十五日下至骶骨。二十六日入於脊骨。注於伏膂。其氣
上行。九日出缺盆。其氣益高。故作日乃益早。○風府在項後髮際
一寸項骨三節。脊骨二十一節。其廿四節下為尾骶骨。邪自風府
日下一節。故發晚。廿五日至骶骨。廿六日邪復自後而前入脊內。
注伏膂。循脊上行。無關節之阻。故九日出缺盆。其氣益高。自陰就
陽。邪日退。治者須從陰分提出陽分。作日早則易瘳。無汗欲使有
汗。散邪為主。而兼補汗多。欲令汗少。養正為主。而兼散。尤必分經。
以論治。足太陽。瘧腰痛頭重寒從背起。先寒後熱。熱止汗出難已。
羌活黃芩。足少陽。瘧身體解。仍見人心惕然熱多汗出甚。小柴胡湯加減。

足陽明瘧。頭痛渴飲。洒淅寒甚。久乃熱。熱去汗出。竹葉石膏湯加減。足太

陰瘧。不嗜食。寒多善嘔。熱甚則渴。桂枝湯加減。足少陰瘧。腰痛脊

強。口渴嘔吐。寒從下起。熱多寒少。病難已。桂枝人參白虎湯。足厥

陰瘧。腰痛少腹滿。小便不利。數便。先用三黃石膏湯。後用鼈甲牛膝湯加減。此論六經

瘧也。若邪深伏。則為五臟瘧。如肺瘧。令人心寒。寒甚熱。善驚。桂枝

藥心瘧。令人煩心。欲得清水。反寒多。不甚熱。桂枝黃芩湯。肝瘧。令人色

蒼面色太息。狀若死。四逆湯。脾瘧。令人寒。腹中痛。熱則腸鳴。鳴已汗

出。小建中湯。腎瘧。令人洒洒然。腰脊痛。大便難。手足寒。歸芍桂枝湯。其

在腑則胃瘧。令人善飢而不能食。食而支滿腹大。二陳湯加枳殼草果。既辨

六經臟腑。更審六淫所傷輕重。如風瘧。脈浮大者。威風而得惡風。

自汗頭痛風為陽邪故先熱後寒。宜紫蘇川芎寒瘧脉緊盛秋乘

涼浴水感寒而成惡寒無汗寒為陰邪故先寒後熱。宜桂枝生薑厚樸草果等

暑瘧脉虛受暑熱熾煩冤邪傷上焦肺氣發必寒輕熱重唇燥舌

絳渴喜涼飲。盛暑發者白虎湯虛加人參麥冬秋涼伏暑瘧脉發者杏仁貝母花粉黃芩半夏知母青蒿等

濡緩面浮身痛腕悶不飢嘔惡邪阻中焦脾絡發必寒重肢冷舌

白胎膩喜熱飲大便不爽忽秘忽瀉為溼結氣痺。宜半夏厚樸白蔻草果薏苡滑

石茯苓通草。或其溼熱交蒸阻氣洩熱滲溼審其重輕切忌柴葛

芩湯去桂草。宜杏樸芩夏橘紅生薑瘧瘧但熱不寒由陰氣先傷陽氣獨

發壯熱少氣煩冤手足熱欲嘔邪內藏於心外舍肌肉令人消燄

肌肉宜甘寒生津。生地麥冬知母竹葉丹皮杏仁貝母溫瘧脉如

花粉梨汁蔗漿盛暑發者白虎湯

平人但熱不寒。骨節煩疼。時嘔。金匱用桂枝白虎湯。若溫邪兼濕。

升、牝、瘧、多寒。金匱用蜀漆散。宜酌用二陳湯。加薑桂枝。牝若但。

寒不熱。柴胡薑。瘧瘧素脾虛多痰。瘧熱又能蒸痰。胸悶欲嘔。熱痰。

母。佐以竹茹、橘紅、枳實、茯苓皮、寒。食瘧、飲食生冷不節致寒熱。

較重。飢不思食。滿悶腹疼。養胃湯。瘧瘧嶺南氣炎。感受山嵐。澗溪。

之毒。乍寒乍熱。迷悶發狂。須祛瘴滌痰。平胃散。疫瘧因染時邪。寒。

熱成瘧。其症沿門合境。達原飲。五瘟丹。鬼瘧。夜發為邪入血分。宜。

升散營中之邪。內補建中湯。加升。柴生首。勞瘧。病久延虛。旺羸氣。

怯。因勞輒發。寒熱模糊。最難調治。補中益氣湯。加牛。瘧母久病失。

調邪入肝經。挾瘀血痰涎。脇下結塊。宜疏通血絡。用鼈甲、桃仁、蓬。

子歸。鬚延胡桂枝甲片。或鼈甲煎。瘡疾變痢。因暑溼迫注。失於解
散。由經入腑。宜表裏分消。用紫胡半夏黃芩枳壳陳皮紅麴滑石茯苓炙甘草連進大劑。以
痢愈為度。瘡亦止。此治諸瘡之大概也。此外又有似瘡非瘡。同一
惡寒發熱。或寒熱往來。最宜詳辨脉症。虛實勿以陰陽內損之初
症。誤認瘡邪。輕用表散。如小柴胡湯祛瘡飲之類若脉症皆虛。即宜黃耆建中湯補中益氣湯
升柴。血虛發熱者。逍遙散蓋陽虛則惡寒。陰虛則發熱。凡傷寒後。及
大病後。產後。勞怯等症。俱有寒熱往來。或一日一二發。俱宜作虛
治。以瘡之寒熱有定時。雜症之寒熱無定時為辨。論中治法有
未備者。參觀後論。

瘡疾脉候

瘧脉自弦。弦數多熱。弦遲多寒。弦而浮大可吐。弦短傷食。弦滑多痰。微則為虛。代散者死。遲緩者愈。入門曰衛。虛則先寒。營虛則先熱。表邪多則寒多。裏邪多則熱多。表裏相半則寒熱相等。

附 方

太陽 羌活黃芩湯 羌 芩 陳 草 前胡 猪苓 知母 口

少陽 小柴胡湯 見一卷溫 口渴去半夏加 麥冬 石膏

陽明 竹葉石膏湯 見一卷傷風 痰多加 橘紅 貝母

太陰 桂枝湯 桂 芍 草 薑 棗

太陰 建中湯 見二卷衄血

少陰 白虎湯 見一卷中風 加人參名人參白虎湯 加桂枝名

厥陰 三黃石膏湯 見一卷疫

鼈甲牛膝湯 鼈甲 牛膝 當歸 陳皮 柴胡 熱甚加 麥冬 知母 口渴加花粉

桂枝加芍藥湯 桂 芍 草 薑 棗 倍芍藥用

桂枝黃芩湯 卽桂枝湯加 黃芩

四逆湯 附子 薑 草

橘皮散 橘紅薑汁浸煮焙乾研末 棗湯下三錢

桂枝加歸芍湯 卽桂枝湯加 歸 芍

二陳湯 見一卷中風

芎蘇飲 見二卷咳嗽

露薑煎 生薑四兩搗汁露一宿 凡治瘧湯劑露一宿者取 白露降則暑熱除之意

瘧肺 瘧心 瘧肝 瘧脾 瘧腎 瘧胃 瘧風 瘧寒 瘧

應署

摩澤

唐璜

執溼

磨北

虛寒

食

廣濟

瘰癧

瘧疾

疫瘧鬼瘧補氣瘧母

不換金正氣散 本胃散加半夏 薑香

內補建中湯 黃耆建中湯加 常歸

補中益氣湯 見一卷中風

鼈甲煎丸 鼈甲灰酒浸煮汁一兩二錢 柴胡 白芍 月

阿膠各三錢 皮 廬蟲 烏扇 鼠婦 蜣螂各四錢 桂枝

厚樸 蜂房 石葦 黃芩 桃仁 乾薑 大黃 半夏 人參

五分 赤硝一兩 以鼈甲汁為丸

祛瘧飲 柴 蘇 檳 陳 查 枳 草 二母 水煎露

逍遙散 見一卷火

瘡

甲申予館新洲長夏風暑兼淫痼開日發寒熱俱重涎沫甚多用
平胃散加柴胡製半夏神效赤苓二服愈。又乙酉感風成瘡
經日風淫於內治以辛涼用芎蘇飲去乾葛木香加薄荷薑皮
一服愈

胡 伏暑發寒熱如瘧頭暈脘痞此暑邪挾濕阻遏氣分故汗止
在胸前宜辛涼解散用梔豉湯加杏仁枳壳黃芩半夏栝樓滑
石數服而平

族婦暑症轉瘧寒微熱甚汗多頭眩便艱用竹葉石膏湯去參加
知母服愈

毛 熱症未愈復因邪清熱快風脚腫脹午前寒熱如瘧至
夜乃汗右關尺浮滑煩熱裏治宜經腑疏解用柴胡半夏薄
荷蘇梗陳皮厚樸赤苓神曲生薑二服諸症退去薄荷加黃芩
砂仁壳雞內金疾數服全愈

姪 寒瘧吐瀉脉遲虛用理中湯加半夏茯苓砂仁神曲薑汁一
服吐瀉止瘧輕診脉虛而少力此中氣不足也令與希庵用補
中益氣湯神爽思食瘧止又服四君子湯加黃耆多砂仁愈

李 秋瘧背寒肢厥從卯時冷至酉方熱夜半無汗自退不飢不
食倦臥倣陳遠公解寒湯潞參於朮川附製川芎柴胡桂枝草
果煨薑棗煎服得汗而寒減去川附加半夏製陳皮當歸思

食瘡止

此症與丹溪所治少年足冷瘡相似但彼由接內此係陽虛

王

欬嗽痰多右胸痛瘡間日發脉浮緩此為肺瘡得之浴後當

風經所謂真傷於暑汗大出腠理開發因遇夏氣淒淪之水寒藏於腠理皮膚之中秋傷於風則病成也肺主皮毛故為肺瘡用柴胡湯合二陳去黃芩加防風蘇葉桑皮杏仁薑棗煎數服愈

姪

間日瘡寒熱俱重頭痛背寒肢麻肋悶嘔惡痰多由溼熱阻

遏氣分白蔻仁厚樸

各五分

廣皮枳壳

各一錢

半夏茯苓

各二錢

青蒿

八分杏仁

半錢枯蘘竹茹

各錢二分

煨薑

二錢

一服腕悶已展嘔惡亦除痰

降便通溼熱去瘡自止杏仁半夏

各錢半

赤苓

二錢

枯蘘枳壳橘紅

甘菊各八分

寇仁三分竹茹錢一

嫩桑葉錢三

刺瘡止

前用溫膽湯

愈瘡尚不嗜食大便難脘中欠爽病在左關不和因之腸腑失降用兩和厥陰陽明白芍旋覆花陳皮半夏枯蘗仁牡蠣粉杏仁竹茹枳實汁再服悉平

族孫胎瘡停滯用寸金丹三錢薑湯服二次愈

本問日瘡偏頭痛連齒夜煩不寐症由膽火升越震動心主致

神憤語錯必熄膽絡風火瘡邪自己鈎藤鼈甲

各二錢

山梔丹皮

麥冬

各一錢

黃芩連翹

各七分

半夏

青鹽炒一錢半

夜交藤

錢五

日二服兼下

牛黃清心丸瘡輕改用烏梅

二枚

赤苓生首烏

各三錢

鼈甲

錢二牛膝

當歸丹皮

各八分

一啜而止

梁氏粵產地暖氣泄客居黃河以北風土迥殊今夏秋暑雨蒸淫
感症成瘧寒熱煩滿微汗以溼瘧治倣古柴平湯用柴胡黃芩
半夏茯苓枳殼山梔茅朮生厚樸陳皮薑棗二服汗透寒熱減
改用清暑退邪前方去茅朮樸枳加青蒿香薷薄荷再劑而愈
某瘧間日發寒重熱輕汗多神倦發時頭不痛口不渴但凜寒
拘急肢冷脾痿老人氣虛有痰此非暑非風乃虛邪入絡名曰
勞瘧先時勿食汗後服保元湯扶正以逐絡邪參耆朮草歸陳
鼈甲炙柴胡半夏威靈仙薑煎一啜遂止

陰瘡論治

前論瘡邪伏於募原。淺者客三陽經。深者入三陰經。夫臟腑之經。各有界絡。邪在某經。即某經瘡。因邪有淺深。含有遠近。行有遲速。故衛氣相值。有日發。間一日二日。而發之殊。間一日發。與日發者。治法同病。亦易愈。惟間二日為難治。以伏邪深入三陰。故名陰瘡也。足太陰脾。足少陰腎。足厥陰肝。其經深遠。三陽瘡多發在夏至後。處暑前。三陰瘡多發在處暑後。冬至前。發愈晚者。去亦遲。以氣令收肅故也。其發時亦不定。有前間一日。忽間二日發者。有前間二日。忽一日夜兩發者。有連發二日。中間一日者。有間三日發不爽者。或是不忌口。不節勞。伏邪旁溢界絡。皆能致之。否則發期錯亂。乃將愈之兆矣。陰瘡主治之法。

惟和營調衛兼疏邪勿期速效用劫劑如常山飲每見用常山巴

霜劫痰得效者面色熏黑留邪在裏後多變成癆熱鼓脹不治良

可恨悼因前論治法未盡而申之凡通治諸瘧初起宜散邪露蘊

往來寒熱小柴胡湯寒多者小柴胡湯寒少熱多清脾溼盛平胃痰多

二陳湯溼盛嘔瀉平胃散合四苓溼熱俱盛清中驅暑熱兼溼香

飲加黃芩半伏暑秋瘧黃芩知母花柳熱瘧心下痞結半夏瀉心

湯加赤茯苓石此諸瘧通治法若陰瘧邪深本不在表三五發後乘元氣未

衰用陳香櫟大者全个挖小蓋入水飛明雄五錢納蓋銅絲紫好

晨開水下以箸探喉吐盡膠痰頑痰既去隨服補劑歸脾湯如未

止寒熱必輕截瘧飲立效延久必虛耑養正却邪補中益氣湯加半夏

止熱重於寒

用丹皮龍甲白芍當歸何首烏

寒熱夜甚

何首烏散加歸身

發時漸安

大劑補中

湯內升麻

柴胡少用寒從背起陽虛汗洩

人參黃耆桂枝炙草

熱甚傷陰遺

精便血

固本加白芍首烏阿膠

營衛兩虛

人參養營湯或何人飲

脾陽虛食不化

六君湯

獸飲俱加砂仁神麴

脾陰陽俱虛

歸芍六君湯加首烏

胃陰虛不飢不食

人參

穀芽甚者理中湯

玉竹麥冬白芍石

解薏苡烏梅半夏

脾胃兩虛肢寒泄瀉

沫腹痛虯動肢厥

半夏瀉心湯去參草大棗

久瘧腎陰虛面赤口

渴六味湯加五

味白芍肉桂腎水火俱虛瘧久成癆

養營湯吞入味丸虛人瘧母不治

成脹

四獸飲加鼈甲當歸尾桂心

元氣猶壯癖積左脇下

鼈甲不應何膝煎

瘧久

邪結血絡左脇脹痞連及少腹治宜通絡守補無效

桃仁丹皮鼈甲歸尾桂心

甲片通其血絡痞脹乃除再用補劑自獲全愈

已任編曰。凡瘡將發時。與正發之際。勿施治。治亦無效。必待陰陽升極而退。此邪陷所客之地。乃可服藥治之。且當未發前二三時。迎而奪之。

凡小兒胎瘡。不能服藥。用黃丹五錢生明礬三錢胡椒二錢麝香少共

研末。以好醋調敷手。心男左女右。以絹包手掌。藥發自汗而愈。

凡小兒未進穀食者。患瘡久不止。用冰糖濃煎湯喂之。最驗。出徐忠金

註

附方

常山飲 常山酒浸炒二錢 草果 檳榔 知母各一錢

七寶飲 常山 草果 檳榔 烏梅二个 陳草 水酒煎露

溼

散寒 寒熱 熱 熱 多 溼 盛 痰 多 消 痰 疹 溼 溼 熱 暑 瘧 瘧 熱

露薑煎 見本卷瘧

小柴胡湯 見一卷溫

清脾飲 樸 木 苓 夏 青 草 柴胡 草果 黃芩

平胃散 見一卷中風

二陳湯 見一卷中風

二妙丸 橘紅 半夏 神麴和丸

四苓散 五苓去桂見一卷溫

清中驅瘧飲 柴 芩 枳 樸 青 陳 木 夏 查

香薷飲 見一卷中風

半夏瀉心湯 見一卷溫

結熱補脾截邪 養正夜熱陰傷營衛營衛陽虛

小陷胸湯 黃連 半夏 薤仁

歸脾湯 見二卷勞瘵

截瘡飲 黃耆二錢 參 朮 苓各錢半 砂仁 草果
橘紅各一錢 五味三分 甘草六分 烏梅三個

薑二片 棗二枚

補中益氣湯 見一卷中風

何首烏散 生何首烏五錢 青 陳 草各一錢 薑七片
大棗三枚 露一宿

固本丸 見一卷中風

養營湯 見二卷勞瘵

何人飲 首烏 人參各三錢 當歸 陳皮各二錢 薑三片

六君子湯 見一卷中風

補 截 陽 虛 補 脾 脾 胃 吐 虬 陰 虛 陽 虛 氣 癰 血 癰

四獸飲 六君子湯加 烏梅 草果 藿 藿

理中湯 見一卷中風

歸芍六君子湯 六君子湯加 歸 芍

參苓白朮散 見三卷脾胃

烏梅丸 見三卷嘔吐

六味湯 見一卷中風

八味湯 見一卷中風

鼈甲飲子 鼈甲 者 朮 積 樸 芎 芎 陳 草

何膝煎 首烏製二兩 牛膝 鼈甲醋炙各一兩 當歸五

錢 橘紅三錢 虛加人參 發日空心服

陰瘡

房弟陰瘡寒熱俱重汗多不寐氣促腹痛大便頻左脈微輭右關尺弦長此脾虛肝乘而心陽不攝也用法宜以溫通甘緩兼佐酸泄理中湯加茯神龍眼肉草薢肉蔻白芍三服而神爽痛瀉止寒熱亦減繼用歸脾湯丸加山藥蓮子何首烏等漸瘳

七 三瘡早用截劑寒熱無定頭汗冷呃逆沫吐青色面慘黑手足厥脉沈數小乃邪入厥陰在裏瘀濁上犯清道治先通陽洩濁用吳茱萸湯加丁香乾薑製半夏青皮茯苓濁逆已止嗣用四逆湯肢和瘡二日發用四獸飲寒熱漸輕接服八珍丸料加首烏牛膝砂仁半夏薑汁煮棗肉爲丸病除

朱 深秋瘧發三陰頭眩熱甚不渴渴痛右脉較大必係暑溼伏
邪內蘊昔人治瘧無汗須令有汗乃邪從外泄今值霜降氣令
收肅雖用辛解邪不得越尙難穩許愈期紫蘇半夏青蒿石斛
生薏仁當歸鮮何首烏知母數服微汗寒熱減右脉平兩關稍
虛治宜扶正兼去邪六君湯加鮮何首烏炙鼈甲當歸知母以
清透營分加薑棗煎服得痊

錢氏懷妊六月餘客歲陰瘧未止因食牛脯腹滿不飢穀食亦脹
致寒熱沈綿盛暑怯寒衣絮無汗此衛陽大衰腑失通降正虛
邪錮須防胎損治宜溫衛通腑忌用耆朮守補潞參鹿膠當歸
茯苓草果煨薑炒查肉半夏陳皮六服瘧止

族某三日瘡經年未止處暑後燥氣加臨日發寒熱食頃煩餒乾
嘔色悴甚渴眩痔痛此燥熱傷陰胃液虛而陰火上乘下迫也
做甘露飲意用生地黃炒知母酒炒麥冬石斛花粉生白芍阿膠
水數服症退用何人飲瘡止

朱 三陰瘧發日晏腕痞嘔酸乃半夏瀉心湯症耳猶服知母烏

梅穿山甲等苦酸透絡截劑遂令寒熱無汗三日兩發舌有鱗
爪紋是脾臟寒水旁溢支絡別成窠臼一增爲兩求輕反重矣
宜六君湯溫脾以通溼水溼去則寒熱輕不致邪傷肝腎延成
羸怯潞參於朮雲苓陳皮半夏薑製砂仁草果煨薑數服已去其
一仍二日一發又數服發益蚤卽寒熱亦微以原方藥製末加

牛膝炒去草果用薑汁和棗肉爲丸服愈

房弟三瘡初發寒痰甚多先令將陳香櫟去蒂納明雄黃五錢水飛研

炭火煨勿令烟洩存性共研細空心開水下卧片時以箸探吐痰涎

再服再吐能吐出膠痰更好吐半日飲粥湯吐止病愈後調補元氣以

杜復發

李 患前症夜發用何首烏散後以勞力鼻衄寒止熱甚治宜和

陰透邪烏梅肉二錢白芍三錢知母酒炒半錢鼈甲炙三錢生首烏四錢生地

黃二錢牛膝酒蒸半錢數服而止此酸味可以透邪陰藥可以透邪

秦 陰瘡誤藥寒熱纏綿無汗而浮腹腫眼色如金肉黃便瀉脈

左沈緩右虛濡水溼漬裏溢膚勢成痞脹用分消法大腹皮茵

蘇製半夏生薏仁茯苓

各二錢

蘇梗陳皮穀芽

各一錢

枳壳砂仁

各八分

分厚樸

五錢薑

三錢車前子

五分

弱爽汗出諸症俱退去蘇梗枳樸加


雞內金

炙三錢

於朮

炒一錢

倣利水實脾法得愈



霍亂論治

霍亂多發於夏秋之交。其症煩滿腹痛。上吐下利。頭痛身熱。揮霍
撩亂。甚則轉筋入腹。四肢逆冷。良由起居冷熱不調。飲食生冷失
節。清濁相干。水穀不化。邪在上焦則吐。在下焦則利。在中焦則吐
利交作。謂之溼霍亂。若胸腹絞痛。欲吐不吐。欲瀉不瀉。煩燥悶亂。
俗名攪腸痧。卽爲乾霍亂也。故經曰。清氣在陰。濁氣在陽。營氣順
行。衛氣逆行。清濁相干。亂於腸胃。則爲霍亂。又曰。厥氣上逆。則爲
霍亂。古今論治不一。大約因溼土爲風木所克。又爲炎暑蒸鬱。故
嘔吐者。暑熱之變。泄瀉者。溼土之變。轉筋者。風木之變。其間更多
飲食停滯。氣不升降而成。經曰。太陰所至。爲中滿。霍亂吐下。土鬱
之發。民病嘔吐。霍亂注下。此言受溼霍

亂又曰。歲土不及風。乃大行。民病霍亂。飢世。此言風木克土。為霍亂。又曰。熱至則身熱。霍亂吐下。此言受熱。霍亂。論治霍亂者。劉河間主火熱。孫真人主食積。丹溪以為外感。內積。陽不升。陰不降。張子和主風溼。喝三氣合而為邪。張景岳主寒邪傷臟。李士材兼主溼熱。風暑虛實。分別治。羅謙甫專主氣不和。用地漿治。古復庵隨病之緣。感人之虛實。而大旨重痰。故用蘇合香丸。通病。次用藿香正氣散。吞來。初起陰陽攪亂。先服燒鹽湯。以吐中。即寓發散復丹。以控痰涎。也。通用藿香散。若脹痛嘔瀉。察其邪甚於上。宜平胃散。神香散。或和胃飲。邪甚於下。宜五苓散。無脹痛。但嘔惡者。二陳湯。各丁香。暑月。感涼霍亂。吐利。胃苓湯。加食後。感寒腹痛吐利。藿香正氣散。加神麴。傷暑。身熱煩渴吐利。黃連香茹飲。輕暑。溼相搏。煩渴滿悶。二散。傷溼肢重。骨節煩痛。二朮。二苓。厚樸。陳皮。澤瀉。或除溼湯。若吐利轉筋。為風木刑脾。平胃散。加木瓜。轉筋腹痛。木瓜建食。滯腹痛。加神麴。穀芽。七情鬱。

結七氣湯加烏藥吐利不止元氣耗散或口渴喜冷或惡寒肢厥

或發熱煩燥欲去衣被此並非熱乃陰盛格陽不可誤用寒涼宜

中湯甚則附子理中湯四暴瀉如水汗冷脈微急用藥水

逆湯加食鹽少許並冷服吐利夏月泄瀉或嘔吐生薑汁調冒暑腹痛嘔瀉轉筋木瓜吳萸食

利炒煎湯溫服吐利頭痛身熱而渴五苓散吐利口乾煩渴引飲麥門吐

利虛煩不眠參胡三異鄉初到不伏水土吐利加減正

乾霍亂上不得吐下不得瀉胸腹攪痛乃土鬱不能發泄或宿食與

寒氣交搏而成蓋邪淺易得吐利邪深則陰陽格拒氣道不通

不速治多致暴死急於委中穴刺出血先用鹽湯探吐或熱童

飲三吐宣提其氣但清氣得升則濁氣可降而出治宜溫中破氣

散滯之劑內用

排氣散加減或外以

吳萸青鹽各兩許如小便

不通

冬葵子湯

二便不通

厚樸湯

或已得吐瀉症勢畧定

宜二陳湯藿香散

凡

霍亂初定不可急與粥湯恐邪滯未盡復聚且胃氣逆不能和降也。

轉筋

千金方曰陽明屬胃大腸以養宗筋吐瀉津液暴亡宗筋失養

輕者兩脚轉筋而已重者遍體轉筋入腹手足逆冷危甚風燭

矣倉猝間急以鹽填臍中炮艾不計壯數雖已死胸有煖氣者

立醒急用

木萸散木瓜食鹽吳萸各五錢同炒再加茴香蘇葉甘草煎服搗蒜塗兩足心雖昏危轉筋

入腹亦效

霍亂脈候

脉伏或微瀋者霍亂通醫脉代者霍亂代而亂者亦霍亂醫氣口脉

滑乃隔間有宿食雖吐當更以鹽湯探吐吐盡川和中藥脉浮

洪可救微遲不語氣少難治得效脉微瀋或代散或伏或結促不可

便斷為死脉亂故也正傳轉筋入腹四肢逆冷氣欲絕脉洪大可治

脉微而舌卷囊縮不治綱目乾霍亂吐瀉不得胸腹脹硬而唇青黑

手足冷過腕膝六脉伏絕氣喘急舌短囊縮者死同春

附方

藿香散 藿香 蒼朮 陳 樸 苓 夏

回生散 藿香 廣皮各五錢

平胃散 木 樸 陳 草

通治通治通治

嘔脹

氣逆

神香散

丁香 白蔻

寒

和胃飲

薑 橘 陳 草

利

五苓散

見一卷溫

涼

胃苓湯

見一卷中風

嘔痰

二陳湯

陳 夏 苓 草

調氣

丁香散

丁香 五 分 藿香

枇杷葉各二錢 薑一片

感寒

藿香正氣散

見一卷中風

生

六和湯

見一卷暑

傷暑

黃連香薷飲

見一卷中風

暑傷

五物香薷飲

見一卷中風

暑溼傷溼轉筋腹痛食滯情鬱陰盛厥冷脉微泄溼

二香散

見一卷中風

除溼湯

見一卷中風

木瓜湯

木瓜二錢 薑五片

茴香六分

茱萸錢半

甘草三分

木瓜建中湯

桂枝

芍各錢半

草一錢

飴糖二匙

薑

香砂枳朮丸

木香

砂仁

枳壳

白朮

七氣湯

見二卷効嗽

理中湯

見一卷中風

四逆湯

見一卷暑

漿水散

見一卷暑

天水散

見一卷溫

煩渴 麥門冬湯 麥冬二錢 陳夏 木 苓各一錢 小麥半

煩 參胡三白湯 人參五分 苓 木 歸 芍 陳 麥 柴

散 排氣飲 見三卷積聚 梔 草各八分 五味三分 烏梅一個

滯 冬葵子湯 冬葵子 滑石 香薷各二兩 木瓜一枚 每

瀉 厚樸湯 厚樸 枳壳 良薑 檳榔 樸硝各七錢五分

秘 藿香安胃散 藿香 人參 陳皮各二錢 丁香五分 薑

脾 虛 十片

霍亂

胡氏秋間吐瀉欲死診脉知爲積寒感暑而發用藿香砂仁半夏焦神麴茯苓小茴香陳皮炙草煨薑煎服一劑愈。此症多出溫涼不調生冷失節以致陰陽乖格清濁相干夏秋間爲多也門人某於道光辛巳暑夜吐瀉是年時癘大行凡吐瀉霍亂見腳麻轉筋囊縮者立斃城鄉日以數千計大率口鼻吸入穢邪頭暈胸悶心腹猝痛傾吐注瀉陽脫肢冷目陷筋掣身溫汗油頃刻昏厥矣沿門闔境病勢一轍用六和湯去扁豆白水杏仁加薄荷梗木香煨薑半日服二劑遂定後加意調攝得安

王 腹痛吐瀉煩躁不安腿足筋掣症由長夏服農水田烈日中

多受溼暘脾陽不司運化吐瀉驟作煩渴無寐又下多傷陰筋失榮養故拘急而抽搐也若厥逆躁擾者死診其脈虛而促用生脉散加霍梗茯苓砂仁陳皮木瓜當歸白芍數服而平

王 暑夜停食腹痛霍亂用大和中飲乾薑改煨薑一服止

李源 暑月霍亂瀉利稀水嘔出俱腐右脈微小左更模糊不但脾

失轉輸清濁相干且察其神氣索然理防痙厥急須主以溫中

佐以分利參六和四苓合方半夏砂仁扶苓猪苓霍梗潞參炙

草煨薑穀芽一服吐瀉止再服小便利隨去猪苓加白朮用鍋

巴湯煎二服霍然以起後誤以冷飲卒致不救

泄瀉論治

泄瀉者胃中水穀不分併入大腸。多因脾溼不運。內經所謂溼多

成五泄也。一曰飧泄。完穀不化。脉弦。腸鳴。溼兼風也。平胃散加羌

云春傷於風。夏生飧泄。二曰溏泄。腸垢污積。脉數。溺濇。溼兼熱也。清六九。大

胃苓湯加黃連。經云。三曰鶩泄。大便澄清如鴨屎。脉遲。溺白。溼

暴迫下注。皆屬於熱。四曰濡泄。身重。腸鳴。

兼寒也。治中湯。附子理中湯。加肉豆蔻。經云。四曰濡泄。身重。腸鳴。

所下多水。脉緩。腹不痛。溼自甚也。四苓散。加蒼朮。胃苓湯。加

消泄。洞下不禁。脉微。氣脫。溼兼虛也。四桂六桂飲。或四君湯。加升

難經所云五泄。一曰胃泄。飲食不化。即風乘溼也。胃氣二曰脾

泄。嘔逆腹脹。即暑乘溼也。香薷湯。參桂苓三曰大腸泄。腸鳴切痛。

甘露飲。加薑。

即燥乘溼也。五苓散。四曰小腸泄。便膿血。小腹痛。即火乘溼也。承氣湯下。

之。再以黃連解毒湯加歸芍治之。次以芍藥藥皮湯止之。五曰大瘕泄。暴急後重。數至圊而不

能便。莖中痛。即寒溼變為熱泄也。八正散。加木香。檳榔。次用天木散。此外有痰泄。

痰泄。脉積溼成疾。留於肺中。故大腸不固。二陳湯。加浮石。黃芩。神

滑類弦。湯溫服。探吐。有食泄。食泄。脉弦緊。腹痛則泄。泄後痛減。枳。木。查。肉。陳。皮。

穀芽傷酒泄。嗜酒傷溼。便青綠色。葛花解醒湯。有暑泄。暑泄。自汗面垢。

暴瀉如水。藳苓湯。桂。伏。暑。久瀉。玉龍丸。有盛暑傷其外。陰冷傷其中。

為內外交迫。連理湯。有腎泄。即五更泄。一名晨泄。由命火衰。腎虛不

攝。宜補骨脂。五味子。山萸肉。桂。有脾。腎泄。由二經並虛。朝泄暮已。

久。神憊肉削。四神丸。有飯後即便。亦由脾腎交虛。真火不能腐熟。

水穀故食下卽泄。

二神丸。

有滑泄久而不止。

固腸丸。

由氣虛下陷者。

補中

湯。

或大便滑泄小便精出者。

萬全丸。

若老人諸泄不宜多用滲洩分

利。以人生五十後升氣少降氣多滲利太過是降而益降未免重

竭其陽。

瀉多則亡陰謂亡其陰中之陽。

宜升提陽氣。

如升柴獨防佐以朮附補骨脂。

士材治泄九

法淡滲升提清涼疏利甘緩酸收燥脾溫腎固瀉治泄者當權其

輕重緩急而用之。

凡泄皆兼溼初宜分理中焦滲利下焦久則升舉必脫滑不禁然

後以瀉藥固之。

凡泄水腹不痛者溼也宜燥滲完穀不化者氣虛也宜溫補腹痛

腸鳴水泄一陣痛一陣者火也宜清利時瀉時止痰也宜豁之瀉

後痛減。食積也。宜消之。脾瀉久。宜瀉。下陷。宜升提。

論腎泄

腎中真陽虛而泄瀉者。每於五更時。或天將明。卽洞瀉數次。此由
丹田不煖。所以尾閭不固。或先腸鳴。或臍下痛。或經月不止。或暫
愈復作。此爲腎泄。蓋腎爲胃關。二便開閉。皆腎臟所主。今腎陽衰
則陰寒盛。故於五更後。陽氣未復。卽洞泄難忍。古方治腎泄。用椒
丸五味。若欲陽生於陰。腎氣充固。宜入味丸。去丹皮。加補骨脂。兔
子散。絲子。五味子。用山藥糊丸爲妙。

瀉與痢不同及先後傳變

瀉由水穀不分。病在中焦。痢以脂血傷敗。病在下焦。在中焦者。分
利脾胃之滯。在下焦者。調理肝腎之傷。若木瀉久。則傳變而痢。膿

血是脾傳腎。謂之賊邪。故難愈。若先痢後瀉。是腎傳脾。謂之微邪。故易瘳。

泄瀉脈候

胃脈虛則泄。脈滑按之虛。必下利。腎脈微小則洞泄。肺脈微甚則泄。泄瀉脈洪大者逆泄而脫。血脈實者難治。泄瀉脈緩。時小結者。生。浮大數者死。瀉脈多沈沈遲寒促沈數火熱沈虛滑脫暑溼緩弱多在夏月。

附方

平胃散 見一卷中風

升陽除溼湯 見一卷溼

除溼

殞

分消

清六九

滑石 甘草 紅麴

熱泄

大分清飲

茯苓 猪苓 澤泄 木通 山梔 枳壳
車前子各一錢

溼泄

胃苓湯

見一卷中風

食泄

治中湯

見三卷飲食

寒泄

附子理中湯

見一卷中風

溼滲

四苓散

見一卷中風

虛泄

四柱六柱飲

參 附 苓
子名六柱飲

木 子名四柱飲

加肉果

訶

虛泄

四君子湯

見一卷中風

胃泄

胃風湯

參 朮 苓 歸 芍 肉桂 粟米

脾泄

香薷飲

見一卷中風

暑泄 暑泄 酒泄 痰泄 痰泄 熱泄 熱泄 清火 清火 腸小 暑泄

桂苓甘露飲 見一卷暑

大承氣湯 見一卷溫

黃連解毒湯 見一卷溫

芍藥皮湯 芍藥連歸

八正散 見一卷火

天水散 見一卷溫

二陳湯 見一卷中風

吳茱萸湯 見三卷嘔吐

葛花解酲湯 見一卷溼

藟苓湯 香藟飲合四苓散

治暑

卷之四

三

暑

玉龍丸

硫黃

硝石

滑石

明礬

暑

連理湯

見一卷暑

脾

四神二神丸

見三卷飲食

滑

固腸丸

龍骨

附子

丁香

訶子

良薑

蔻仁

砂仁

泄

補中益氣湯

見一卷中風

提

萬全丸

赤石脂

炮薑各一兩

胡椒五錢

醋糊丸

腎

椒附丸

川椒

附子各五錢

山萸二兩

螵蛸炙

鹿茸

泄

五味子丸

杜仲

五味

肉蔻

故紙各一兩

吳萸三錢

補

八味丸

見一卷中風

陽

泄瀉方

白朮

茯苓

陳皮

甘草

澤泄

砂仁

神效

治

麥芽

寒加木香

煨薑

熱加黃芩

白芍

暑

腸滑不食

加香薷 扁豆 溼加蒼朮 半夏 猪苓 滑石 食加
山查 枳實 久加人參 黃耆 升麻 滑泄不禁加肉
苳訶 子

久瀉方 白麪炒黃二兩 冬朮一兩 故紙五錢 滑加粟

久瀉方 糯米一升 水浸一宿 慢火炒熟 研細 懷山藥炒一
兩 研細 和勻 加白糖 川椒調服

泄瀉

湯氏初秋寒熱吐瀉或以爲感暑用香薷飲或以爲霍亂用藿香
正氣散其家兩置之診其脈濡而弱煩熱無汗自利嘔渴子謂
溼甚則濡瀉今溼鬱生熱熱蒸更爲溼故煩而嘔渴也宜猪苓
湯去阿膠主之猪苓錢二茯苓錢三澤瀉錢八滑石錢六加半夏錢半薄荷
梗八分薏仁煨薑各三錢燈心六分一服嘔止泄稀去滑石煨薑半夏
再加麥冬山梔車前二劑而安

湯氏冒暑重感新涼寒熱頭暈口乾舌燥嘔瀉不已頭汗劑頸而
還醫用消導轉益煩渴脈不數而滑大此邪鬱蒸痰先挑薑汁
止嘔用正氣散加減藿香薄荷以辟惡丹皮梔苓以解熱夏麴

煨薑以除痰赤茯苓薏仁以利溼花粉麥冬以生津一服汗
涼脈和舌潤矣因有年體弱明晨怯寒手足微涼此脾陽虛也
用理中湯炮薑改煨薑加砂仁苓薏炙草一劑嘔瀉止手足和
但氣微墜背分少寐原方去煨薑加茯神炙耑薏仁白芍升麻
一服而安

予館新洲

江水泛潮地最卑溼

長夏晨泄每陰雨前尤驗痰多不渴或吐白

沫清晨左脇氣響必陣瀉稀水此溼多成五泄也胃苓湯加神

麴

炒

半夏

製

乾薑

少許

一則劫陽明之停飲以燥溼一則開太陽

之裏氣以導溼故一啜輒止良由長夏溼淫水穀停溼脾陽少
運故也嗣後去桂加砂仁小茴二水生用或蒼朮薑麴煎服亦

止

潘 色蒼嗜飲助溼釀熱濡瀉經年脈寸關實大豈溫補升提所得效細詢平昔吞酸去秋連發腿瘍明係溼邪蘊熱流注經絡所致治者不察當夏令主火仍以四神丸加炮薑烏梅補中湯加吳萸肉果愈服愈劇致頭暈口燥氣墜裏迫溺瀉肛痛皆火性急速徵據必清理溼熱之邪乃爲按脈切理仍當戒飲毋謂六旬外久瀉延虛也四苓散加薏仁車前子麥冬山梔燈心二服已效加神麴砂仁壳枳椇子以理酒傷而瀉稀加黃芩白芍而脈斂後用參苓白朮散加減而痊

曹 脈左濡右關尺弦大腹鳴則痛墜泄瀉前因佛悵木制脾土

爲中焦痞痛服破氣燥劑再傷中氣每日嘔少腹痛泄下焦陰
氣又傷急須甘緩和中佐以溫攝潞參炙草白芍茯苓小茴橘

核

俱酒
焙

益智木香俱
煨飴糖紅棗十數劑痛瀉止

於

五泄無不由溼寓居斥鹵水味鹹濁便瀉三年不止凡運脾

利溼溫腎補土及升提疏利固瀉諸法毫不一效今夏診右脈
寸微關滑乃溼中伏熱大小腑清濁不分火性急速水穀傾注
無餘脾失輸精肺苦燥渴氣不化液腎不司關所下污液自覺
熱甚或痛泄或不痛亦泄日夕數行口乾溺少時想涼潤略用
守補卽嫌脹滿可知氣墜全是腑症若清濁分則泄瀉漸已
茯苓猪苓車前山梔神麴薏苡大腹皮烏梅黃連午前服方丸
益

智仁煨補骨脂南燭子訶子茴香茯苓山藥廣皮砂仁半夏麴
杜仲首烏蓮子蒸餅爲丸晚服至秋漸愈

痢症論治

痢多發於秋。卽內經之腸澼也。症由胃腑溼蒸熱壅。致氣血凝結。挾糟粕積滯。迸入大小腑。傾刮脂液。化膿血下注。或痢白。痢紅。痢瘀紫。痢五色。腹痛嘔吐。口乾溺澇。裏急後重。氣陷肛墜。因其閉滯不利。故亦名滯下也。俗以白屬寒。赤屬熱。不知白傷氣分。赤傷血分。赤白相間。氣血俱傷。傷氣分則調氣。四七湯。木香化滯湯。傷血分則和血。四物地榆湯。或理陰煎加減。易老所謂調氣則後重除。和血則便膿愈也。然論致痢之由。其暑溼傷胃者。鬱熱居多。生冷傷脾者。寒滯爲甚。入手宜分。氣陷則倉廩不藏。陰亡則門戶不閉。由脾傷腎。勢所必然。故鬱熱者清之。本連芩藥湯。寒滯者溫之。香砂枳朮丸。香砂異功散。溼勝者洩之。四苓散。

米改宿食者消之保和積滯者導之小承氣湯熱大黃也腹痛者和之芍藥湯

木氣陷下者舉之補中益氣湯虛滑者攝之赤石脂禹餘糧丸脂液涸者潤之

猪臟湯久不愈者補而固之八珍湯加炮薑肉桂痢止後調之參

阿膠丸久不愈者補而固之木香肉果烏梅牡蠣痢止後調之散治法盡此矣而症之寒熱虛實宜細審焉凡痢挾熱者多實

初起外受暑熱內因停滯繞臍痛脹煩渴逆迫下痢鮮紅脈洪滑

者宜清火導滯導氣湯芍藥湯去桂如挾虛感寒生冷不節脾失轉輸因而

嘔逆下痢白膿脈弦弱者宜溫理脾胃兼佐行氣香砂溫胃飲蓋因寒

傷臟忌用苦寒下奪也况所痢膿垢皆大小腸脂液所化已非胃

腑宿食不得誤認積滯肆行攻下剝削殆盡但見下利血水或如

屋漏水即須溫攝黑豆散加荅如痢純血鮮紅成塊者多心脾伏

熱用黃連、白芍、丹皮。若未止，地榆。其血紫黯稀淡，乃陽虛不能攝。

陰宜溫調其氣，非炮不治。理中湯。刺色黑，有二焦黑者，熱極反兼。

勝已之化。芍藥湯。光如黑漆者，為瘀血。桃仁承氣湯。純下清血者，為腸。

胃風襲。胃風湯。加五色痢，乃五臟氣化，并傷。昔人以爲腎損，蓋五。

液不守精室受傷，治必益火消陰，實脾防水，兼理其氣。眞人養臟湯。赤。

白痢由冷熱不調。駐車丸。痢純白，乃臟寒氣滑，與暴注屬熱不同。

或如凍膠，加魚腦，由氣分致病，爲臟寒滯下。先用沈香、白蔻、木香。

湯加。白痢初起，裏急後重，爲溼鬱化熱。平胃散。痢稀白，肢冷腹痛。

不已。附子理中湯。痢清穀裏寒外熱，汗出而厥。通脈四逆湯。先白痢後下膿。

血者。戊己丸。先白痢後下鮮血者。阿膠四逆湯。先痢膿血後變青黑雜色。

腹痛倍常者。九。車先膿血後變白沫白膿者。補中益氣湯加下痢

發熱者疏其邪。舍廩散。腹痛身微熱者和其營。小建中湯。一種陰虛下血

發熱煩渴至夜轉劇者急宜救液存陰。九。阿膠九。阿膠梅連。下痢漸

減津液枯燥。肛門滯滯者。猪臟湯。痢後便秘後重由氣虛下陷者升

其陽則陰自降。補中益氣湯加防風。膿血稠粘挾熱後重煩渴脈洪者。白頭

溼熱下利後重者。升陽除。風邪傷衛後重不除者。三奇散。虛滑而後

重者痢後不減。其人養。虛滑而腑陽向衰者。桃花湯。裏急仍不得

便屬氣滯。蘇子降。裏急頻見污衣者為氣脫。補中益氣湯去。洞瀉

不止。其人養。下利大孔痛火因瀉陷升其氣則痛自定。補中益

藥口乃熱氣自下衝上而犯胃口腸中傳導皆逆阻似閉。宜人參

葛蒲竹茹茯苓丹溪用人參石蓮黃連濃煎加薑汁冲服。但得下咽便開如胃虛

嘔逆治中湯。肝邪乘脾嘔逆吳茱萸湯。加丁香白芍久痢噤口不

食非大補胃氣兼行津液不能開香砂四君湯。加扁豆薏仁藿香煨葛根粳米得胃

氣一醒思食宜獨參湯。少

休息屢止屢發經久不愈訶梨勒丸。因兜瀉太早積滯未清者香連丸。

枳實因飲食失節者香連丸。加因中氣下陷者補中益氣湯。因臟寒虛

滑者大斷下丸。

風純下青沫蒼朮防風湯。寒痢白如鴨澹腸鳴痛墜不甚理中湯。暑

痢面垢煩冤燥渴引飲蕭苓湯。淫痢身重腹滿紅黑混濁除淫湯。脾

淫血痢蒼朮地榆湯。氣痢下如蟹沫氣痢丸。疫痢時邪傳染一方相似

人參敗毒散加減。蠱毒痢血如雞冠。烏梅。蟻蟲痢蟲形極細從穀道

溢出。以雄黃銳散納下部內服蕪荑丸。瘡後痢痢後瘡。東坡薑茶飲。瘡痢齊發。補中益氣

湯加減。洞瀉不止厥逆。附子理中湯。胎前赤白痢。連理湯。胎前痢產後

未止最危。駐車丸伏龍肝湯加減

協熱下利。由上受溫暑溼熱之邪。循募原下陷腸胃。或血水。或粘膩。皆

溼熱傳化。宜用分消。清熱利溼。如厚樸黃芩茯苓滑石猪苓澤瀉廣皮扁豆甚則加黃連

凡治痢與治瀉異。水瀉由清濁不分。可利小便。痢則邪毒膠滯。津

液枯濇。大忌分利。且痢久必傷腎。腎陰虧宜滋液。黑地黃丸六味地黃丸。腎

陽虛宜益火。如四神丸及沈香桂附益智。以腎為胃關。開竅於二陰也。故痢久

先溫脾。不應即溫腎。丹溪以先瀉後痢為脾傳腎為賊邪難治。先

痢後瀉為腎傳脾為微邪易愈故治痢以脾腎為要

噤口痢由熱氣自下上衝而犯胃口腸中傳導皆逆阻似閉宜清

解熱毒。如黃連酒炒黃芩白芍石蓮肉廣皮銀花查肉木香枳

又方五穀蟲焙黃研末黑糖拌勻新汲水送下即愈。

治。痢症初起有兼外感者身必發熱表裏俱病其症最重宜表裏並

痢疾初起必兼溼熱宿滯宜用治痢散。葛根苦參松蘿茶葉麥芽

四錢加黃連尤效。此方出醫學心悟不論赤白皆效葛根鼓舞

胃氣上行也茶葉苦參清溼熱也麥芽山查消宿食也赤芍陳皮

行血調氣也。腹痛裏虛者。用橘餅半箇紅棗十枚

沙糖五錢煎湯服立效。

醫通曰痢後風者因痢後不善調攝或多行或房勞或受風寒或

感溼氣致兩脚痿軟腫痛。宜大防風湯。又痢後變成痛風皆調攝失宜

所致。宜補中益氣湯加羌活續斷虎骨。

病機沙篆曰。痢起夏秋。溼熱鬱蒸。因乎天。生冷停滯。由乎人。當炎暑令行。不能保攝脾胃。多食瓜果肥甘。土氣受傷。無以制溼。溼蒸熱壅。氣機阻逆。不得宣通。因而腸胃反窒。裏急後重。小水赤澀。宜苦寒之藥。燥溼滌熱。佐以辛溫。便能開鬱運氣。故行血則便膿自愈。調氣則後重自除。然虛寒實熱。淺深新久之不同。難一例治。沈則仲曰。痢症初起。形氣尙強。脹實堅痛者。可速去積。積去痢止。此通因通用。症隨痢減之法。若煩熱喜冷。脉實腹滿。或下純紅鮮血者。此溼熱內盛。法宜清利。若經久正傷。有傷陰傷陽兩途。傷陰者。精血脂液。悉從痢去。多煩躁熱渴之候。宜以清潤養其陰。傷陽

者脾腎元陽悉從痢散。多滑脫厥逆之候。宜行溫補回其陽。總之暴病多實。久病多虛。滑脫者多寒。瀉滯者多熱。參之脈症。合之新久。百無一失矣。

附倪涵初痢疾三方

初起煎方

黃連

去蘆

黃芩 白芍 查肉

各一錢二分

枳殼

去穰

厚樸

薑汁炒

檳榔

榔青皮

去穰各八分

當歸 地榆 甘草

炙各五分

紅花

酒炒三分

木香

二分

桃仁

研一

錢

如法炮製

水二碗煎一碗

空心服此方。治紅白痢。裏急後重。身熱腹痛者。皆宜。如痢純白。去地榆桃仁加橘紅四分木香三分。如滯瀉甚者。加酒炒大黃二錢。服一二劑。仍除之。若服過一劑。滯瀉已去。不必再服。黃只用一

錢。

右方用之。三五日神效。旬日亦效。半月後則當加減。

加減煎方

黃連

酒炒六分
生用四分

黃芩

酒炒六分
生用四分

白芍

酒炒六分
生用四分

查肉

一錢橘紅青皮檳榔

各四分

炙草

三分生用二分

當歸

五分

地榆

四分

桃仁

研粉六分

紅花三分

木香二分

如法製服延至月餘脾胃虛弱而滑泄當補理

補理煎方

黃連

酒炒五分

黃芩

酒炒六分

白芍

酒炒四分

橘紅

六分

當歸

五分

人參

五分

白朮

鹽炒五分

炙草

五分

如法製服以上三方如婦人有胎去桃仁

紅花檳榔服

一忌溫補

早痢起於溼熱蘊積膠滯腸胃宜清熱邪導滯氣行瘀

血其病即去若用參朮等溫補藥則熱愈盛氣愈滯血亦凝耶

何由去

一忌大下痢因邪熱膠滯用疏通則愈若用大承氣下之膠滯未

去徒傷胃氣損元氣耳。正氣傷損，邪氣不可除，壯者猶可，弱者危矣。

一忌發汗。痢發寒熱，頭目痛眩，由內毒薰蒸，自內達外，非表邪也。若發汗，則風劑燥熱，愈助熱邪，正虛於外，邪熾於內，鮮不斃矣。

一忌分利。痢因熱邪膠滯，津液枯澀。若用五苓等分利，其水則津液愈枯，滯滯愈甚，纏綿不止。第清熱導滯，則痢自愈，而小便自清。安用分利爲？利小便爲治水瀉之良法，以之治痢則大乖矣。

痢症脈候

下痢沈小微細者吉，洪大滑數者死。沈弦者重，脈大者爲未止。微弱者爲欲愈，雖發熱不死。下利脈數，有微熱汗出者，卽愈。下利

發熱而渴脈弱者自愈。醫通曰痢白沫初起脈小滑能食者易治。洪大急疾四肢厥冷者難治。久痢脈微弱小細者愈數實或虛大無根者危。下痢膿血初起脈小滑或弦軟身不熱者易治。數實滑大而身熱者勢雖甚猶或可治。若先不熱五六日後反發熱脈大者必死。久則脈宜芤遲虛不宜數盛滑實身熱不止口噤不食或久痢脈結代反驟能食爲除中皆死。下痢脈六七日後最忌強盛。凡下痢脈浮身熱作風治。脈沈身重作溼治。下痢爲腸胃病雖頻逆而能食則吉。若噤口痢初起脈數實可治。久痢反不能食脈見有餘者死。惟小弱流利者當作胃虛治之。

附方

調氣 調氣 和血 和營 清熱 溫寒 寒滯 洩滯 消食 導滯

四七湯 見二卷欬嗽

木香化滯湯 香 柴 陳 夏 歸 草 草 薤 香 附

四物地榆湯 地 芎 歸 芎 加 地 榆 或 加 阿 膠

理陰煎 見二卷欬嗽

芩連芍藥湯 白 芍 二 錢 黃 芩 黃 連 木 香 枳 壳 各 錢

香砂枳朮丸 香 砂 枳 朮

香砂異功散 木 香 砂 仁 參 朮 苓 草 陳

四苓散 苓 朮 澤 猪 苓

保和丸 見二卷痰飲

小承氣湯 見一卷溫

導滯 熟大黃丸 大黃一味

和痛 芍藥湯 歸芍 芩 連 桂 草 檳 木香 大黃

升陽 補中益氣湯 見一卷中風

攝滑 赤石脂禹餘糧丸 赤石脂 禹餘糧

潤涸 猪臟湯 取不落木猪大腸煮汁吹去油而飲之 以臟補臟

潤枯 阿膠丸 阿膠 黃連各一兩 茯苓二兩

固補 八珍湯 見一卷中風

調補 參苓白朮散 見三卷脾胃

清導 導氣湯 芩 連 歸 芍 檳 枳 木香 大黃

溫理 香砂溫胃飲 溫胃飲見一卷中風 此加木香 砂仁

溫攝血痢溫脾黑痢通治瘀血清血五色通赤白

黑豆飲

黑豆一兩半 罌粟壳蜜炙八錢 地榆 炙草各六錢 炮薑四錢 白芍三錢 分三四服 水煎

地榆丸

地榆 當歸 阿膠 黃連 訶子肉 木香 烏梅肉各五錢 蜜丸

理中湯

參 朮 薑 草

芩芍湯

芩 芍 草

香連丸

黃連 吳萸 拌炒 木香 醋糊丸

桃仁承氣湯

見一卷疫

胃風湯

見本卷泄瀉

真人養藏湯

歸 芍 朮 草 參 桂 訶子肉 木香 肉果 栗壳 當歸各一兩 乾薑五錢 醋糊丸

駐車丸

黃連 阿膠 當歸各一兩 乾薑五錢 醋糊丸

連理湯

見一卷暑

瀉

平胃散

木

機

陳

草

鬱

附子理中湯

見一卷中風

痛

通脈四逆湯

生附子一枚
加葱九莖

乾薑一兩

炙草二兩

冷服

逆

戊己丸

黃連

茱萸

白芍

痢

阿膠四物湯

四物湯加阿膠

血

倉廩湯

參

苓

羌

獨

柴

枳

芎

草

前胡

桂

熱

小建中湯

見二卷咳嗽

營

阿膠

黃連

各二兩

當歸

乾薑

各一兩

木香

救

阿膠梅連丸

阿膠

黃連

各三兩

歸

芍

芎

苓

藁

存

黃連阿膠丸

即阿膠丸

陰

熱痢後重風邪虛滑裏急胃虛嘔痢休息久痢

白頭翁湯 白頭翁 秦皮 黃連 黃蘗

升陽除溼湯 見一卷溼

三奇散 黃耆 防風 枳壳

桃花湯 赤石脂 乾薑 粳米

蘇子降氣湯 見二卷失音

治中湯 見三卷飲食

吳茱萸湯 見三卷嘔吐

訶黎勒丸 檮白皮二兩 陳米湯下三錢 訶子肉五錢 母丁香三十枚

大斷下丸 良薑 炮薑 細辛各一兩半 龍骨 枯礬 肉果 訶子肉 赤石脂 牡蠣 附子各一兩

石榴皮 五錢

風痢 冷痢 暑痢 淫痢 脾痢 氣痢 疫痢 瘰癧 殺蟲 蟲痢

蒼朮防風湯 蒼朮 防風 麻黃 薑

訶子肉湯 訶子炮 厚樸 炮薑 草薢 陳皮 良薑 荻苓 神麴 麥芽 炙草

薤苓湯 見本卷泄瀉

除溼湯 夏 樸 蒼朮各錢二分 藿香 陳 苓各七分 木香 肉桂 甘草各五分 薑三片 棗二枚

蒼朮地榆湯 蒼朮 地榆

氣痢丸 訶子肉 陳皮 厚樸各五錢 蜜丸 米飲下

人參敗毒散 見一卷傷風

烏梅丸 見三卷嘔吐

雄黃銳散 雄黃 苦參 青葙子 黃連 桃仁 研細搗

燕莢丸 燕莢炒 黃連各二兩 蛇膽五錢 蜜丸 每服二錢 杏仁湯下

火益燥潤燥滋治通風痢痢產痢癰

東坡薑茶飲

生薑

陳細茶各三錢

伏龍肝湯

伏龍肝 甘草

艾葉

赤石脂各一兩 當歸

肉桂各六錢

生薑 生地各兩半

大防風湯

參 芍 川芎

青 朮 牛膝

杜仲

地 芍

羌 防

桂

附

治痢散

葛根 陳皮

苦參 研服

四錢

松蘿茶葉

麥芽

黃連尤效

山查

赤芍

黑地黃丸

薯蕷

五味

熟地

乾薑

六味丸

見一卷中風

四神丸

見三卷飲食

痢

某感暑致痢熱渴煩冤裏迫後重紅白稠粘此溼熱蘊結也用

六一散加花粉薏仁薄荷梗枳壳赤苓赤芍丹皮熱退後重亦

減去花粉薄荷丹皮加黃芩白芍

俱酒炒

煨木香陳皮數服愈

幼子噤口秋痢身熱小腹墜痛初痢稠紅次下血水日夜無度此

熱邪阻脘氣滯下焦迫傷營分初用枳壳枳實仁

俱炒

黑山梔赤

苓蘇梗木香以導熱而通逆繼用白芍甘草

炙

茴香炮薑黑查

肉以緩中而溫下後用石蓮路參茯神砂仁薏仁熟地炭山藥

紅棗粳米以扶陽而和陰漸次調理獲痊

包氏春雨通旬感溼成痢脘悶食減其治在脾用平陳湯去甘草

加神麴穀芽

俱炒

薏米煎湯一服便減再加炮薑砂仁服愈

堂弟初秋患痢因熱渴多服梨藕菜腹上吐下痢口噤不食奄卧

昏沈脈細欲絕肢厥目瞑齒齲湯藥難下急用附子理中湯去

參草製川附

二錢

炮薑

二錢

製半夏

三錢

白蔻仁

八分

煎湯用箸啓齒以

匙挑與之盡劑手足漸溫與粥湯不吐矣前方加陳皮茯苓炙

草穀芽再劑痢漸止嗣用香砂六君湯而安

孫數年久痢必傷腎陰但知健脾不節腥膩恐脾陽不復腎陰

益虧用繆仲淳脾腎雙補丸人參茯苓山藥山萸兔絲餅砂仁

肉蔻補骨脂炮薑南燭子蓮實糊丸一服而效

王痢久鮮紅裏急肛墜兼患三陰瘡發皆暑溼熱之邪而絲經

腑但久痢傷腎久瘡傷脾痢瘡合邪足三陰交損勢必支離困頓依經旨熱淫於內以酸收以苦發用製厚樸酒黃連各五分烏梅二枚甘草炙黑一錢白芍赤苓陳皮黑荆芥各錢半鮮夜交藤錢五二服痢瘡俱止

李氏滯下自秋入冬脈緩能食前用升提止瀉兩不效者以症非氣滑脫陷也今小腹痛輒下稠垢非溫通不愈勿以休息痢混行補攝治小茴香炒八分乾薑八分煨木香五分廣皮炙草各六分砂仁一分一地榆酒炒八分數服止

張氏女冬初胸脘熱痛食後脹痢血脈小數左關尺爲甚陰陽兩傷天癸將至之年得此懼延損怯括蕪仁炒錢二分枳壳黃芩白芍

俱炒 厚樸製五分 地榆酒炒八分 生地炭錢半 諸症漸減去枯薑黃芩厚

樸加當歸醋炒 香附便製各錢半 紅麴錢一 血痢亦稀後服六味丸而安

朱 少年血痢由初春迄冬未瘳陰絡久損中間秋涼感瘡經邪

或夾食滯治者不分經絡妄投大黃枳實延胡等通降理瘀元

氣益削脈沈弱少神今冬怯寒食少日夜利血十數行腹不痛

而滑泄治取溫瀉以攝真元潞參茯苓黑甘草炮薑肉蔻牡蠣

醋炒 山藥炒 訶子肉一服已減十數服全止

族某初春痛痢痢後鮮血點滴腹痛後重脰大口燥怯冷動則氣

急六旬以上痢久陰傷及陽大忌發熱做駐車丸去黃連用烏

梅阿膠煨 當歸白芍熟地俱炒 五味木香煨 炙草粳米湯煎三服

痢稀血止去烏梅木香加參耆陳苓蓮薑十數服而平

譚氏六旬外下痢旬餘猶然腹痛後重溺瀉脈洪目赤顏紅寤煩
口乾忽而香連丸忽而粟壳湯忽而大黃忽而肉桂用藥前後
不倫失於疏理先以荸薺粉山梔石斛丹皮赤苓麥冬白芍木
香汁枳壳地榆燈心一啜諸症減納粥糜矣轉方用煨木香陳
皮白芍當歸茯苓地榆車前子甘草梢痢大減惟腹痛不定一
處則虛氣滯也用葱薑末炒麥麴絹包熱熨痛已服調理藥而
安

類證治裁

卷之四終

全

類證治裁卷之四終